

VITA
GUILLELMI VER-
HEIDEN
BELGÆ:

cui accessit Ejusdem

DE

ORTV ET OCCASV
MAXIMORVM IMPERIORVM

ORATIO VENETA,

Edita per IACOBVM FRÆTREM:



A D

Literarum patriæque libertatis studiosos.



HAGÆ-COMITIS,
Ex officinâ Alberti Henrici.
CL. L. XCVIII.

GERLACVS PYRLINGIVS

IN OBITVM

MAGNIS VIRTUTIBVS EXCELLENTIS ADOLESCENTIS

GUILLELMI VERHEIDEN.

VIRTUTE ATQVE ANIMO VIR, PALLADE MAGNVS VTRAQVE
OCCIDIT ANTE DIEM, MAXIMA SPES PATRIÆ.
INVIDA MORS SVMMIS. RAPIS (ACH) MORS SVMMA: LVOTOSIS
QVICEDVNT RAPIS. NON RAPIS. O PATRIA!

L I T E R A R V M E T PATRIAE LIBERTATIS

AMATORIBVS

IAC. VERHEIDEN

S. P.

Dvo sunt quæ ad tuendam conseruandamque Humanam Societatem maximè requiruntur; RATIO scilicet, & VIS. ubi Ratione, Homini propriâ (quâ & Virtutes & Scientiæ omnes continentur) nihil proficimus; ad alterum, Vim videlicet, quæ quamvis belluarû est, confugiendum. Qui nunc Ratione, quæ Virtute & Litteris munita firmatâque est, utitur, juxtaque hanc in bello se gerit; profectò optimus ille Rex aut Imperator, qui Humanæ Societatis caput est, habebitur. Quod Antiqui doctâ suâ & armatâ Pallade significare voluerunt: quæ vnâ manu Librum tenet, quo Rationem Doctrinâ stabilitam intelligimus; alterâ parmam fert hastâque trementem. Hic, cujus Vitam, Docti Patriæque amantes Viri, describimus, cum illud studium judicaret esse præstantissimû, QVO QVIS PRODESSET QVAMPLVRIMIS; utraque Pallade instrui formarique ad Patriæ defensionem voluit. GUILLELMI fratris Vitam descripsit frater, id est, ferè alter. Nova jam res multis videbitur, Fratrem laudari á fratre. Quid si quis fratrem vivum? immo vivus seipsum laudari? Huic tamen essent justæ excusationes. Propinquû quisque suum vt lugeat jam defunctum & laudet, non nóvum, sed antiquum & Romanum est. Quàm multa sanè hodie commendantur, in primis apud

Europæos, quæ antiqui illi Romani Censores, quibus Res-
 publica stabat, primâ notâ digna esse judicarent! Cûm ita-
 que alii magno apparatu suos lugeant; Insignia doloris in
 defunctorum honorem ambitiosè interdum & magno
 sumtu ostentent, eorumdemque mores & vitam tum etiâ
 genus, quod alienum est ornent & prædicent; dent etiam
 mihi ut eum lugeam, modestè, vel etiam verè laudem, qui
 aliis multis visus est præstantior. Præterea excusavi etiam
 hunc, & notavi. Demum, sit aliqua laus illi qui in Vita mi-
 nimè se laudavit. nam is hic fuit qui nihil sibi arrogabat,
 nec derogabat: Animi Magnitudine rectaque Conscientiâ
 contentus, rumores illos non curabat. Litterarum, Virtutis
 & Patriæ studiosis partim hæc voluptatem, partim dolo-
 rem, mortuo verò GUILLELMO fauorem pariét. In ado-
 leſcentia exſtinctus est is, Qui curam animumque virilem
 gerebat: Qui quid Litteræ, Virtus, Patria, Libertas & HISPANVS
 eſſet, intelligebat: Qui ſæpius hunc pulcerrimum
 Poëtæ verſum uſurpans,

Εὐρώπῃος ἄνθρωποι καὶ ῥωμαῖοι κενεῖται.

tum in Hispanum,

UNA ſalus victis, NULLAM SPERARE SALVTEM.
 tandem forti animo pugnans PRO PATRIA occubuit.
 Laudatus igitur Ille jure videtur, & more Romano, qui
 mores & ſtudia Romanorum nouit ſequiſque contendit.
 NOVIOMAGI GELDRORVM. KAL. viii^{ti}. clo. lo. xcvi.

IACOBI

IACOBI BASELII IUNIORIS
X E . A I A E M A
IN OBITVM

DOCTISS. ELOQVENTISS. CLARISSIMIQ.
GUILLELMI VERHEIDEN GRAVII
PRO PATRIA

CÆSI.

FLOS juvenum, Phæbi, Phæbig amor ille Sororum,
Itala quem tellus, quem lata Alannania, quémque
Obstupuit toto divisa Britannia mundo,
Belgicæque ante omnes totiens mirata tonantem est;
Magno animo vulgare nihil, sed magna volutans,
Pro Patriâ qui se devovit, & arma capeffens,
Cum doctis voluit Martem conjungere Musis;
Cæca per obscuram miscet dum prælia noctem,
Primus & Hispano intrepide volat obvius hosti,
Quâ malè vicino Gandavo jungitur Hultum,
Deseritur (scelus ô) sociis fugientibus, & tot
Obiicitur miserè maculandus ab hostibus vnus.
Magnanimè cadit ille, & vitam in pulvere ponit.
At VIRTUS lacerata comas, lacerata genasque,
Floribus è variis textam quam fortè coronam
Gestabat, terræ indignans allisit, & omnem
Implevit clamore locum, infelicis alumni
Nequicquam incusans fata immatura, necisque
Autorem sceleratum. Et, si tibi longior, inquit,
Condignis tibi pro meritis si vita fuisset,
Hac fueras mihi tu, fueras (digitoque coronam
Monstrabat, lachrymis justum testata dolorem)

Hac mihi donandus. Manibus namque ipsa pararam
Hanc tibi, Ego ipsa meis manibus; quò præmia tandem
Digna triumphales premerent tua tempora lauri.
Quod tibi non licuit vivo, cape mortuus ergò
Munera Virtutis meritò tua funera flentis.
Me fidè teneris coluisti semper ab annis,
Et fidè teneris hæsi tibi semper ab annis.
Hæc ait inclinans se, sublataque coronâ
Implicuit caput, atque vlnis complexa jacentem,
Triste Vale ingeminans magnis ploratibus, inter
Hostiles acies, & tympana rauca, tubasque,
Et gladios, sclopòsque, atque æra imitantia bombis
Horrissonis fractili dissiposa tonitrua cæli,
Sanguineâ cæsi quam dextrâ aduulserat harpe
Ipsa suo tumulum fecit, quem cernis, alumno.

I. VENAT. 202 xxi. i. i. F.

Dum certas Armis Studiisque ad vtrumque paratus
Ingeni præstans nobilioris opus,
A Patria Hispanos abigens, & ab arte Sophistas.
Illos mucrone, hos dexteritate styli.
Te VERHEIDE suum Mavors, te dicit Apollo
Esse suum, causa pugnat uterque gravi.
Sed quando acris adhuc dubio sub indice lis est,
Te qui cuncta rapit, Mars rapit & retinet.
Nomine dulce mori Patria, tibi symbolon: illud
Sapius optatum nunc & habere datum est.

PETRVS

PETRVS VASTIVS IN OBITVM DO-
CTISS. FORTISSIMI Q. GUIL. VERHEIDEN.

*Patria te lugeat, Libertas, utraque Pallas,
Te Charites lugent qui dare dona sol:s;
Fata alii lugent: Virtutem prædicat hostis.
Hoc quis nunc gaudet funere? solus iners.*

IDEM Causam Mortis quærenti.

*Mortis causa duplex: prima est, Divina voluntas:
Altera, quid multis? NON VOLUIT FUGERE.*

VERSUS

VERSUS A GUILLELMO
SÆPISSTIME RECITATI,
QUIBUS MORES STUDIAQUE
populi Romani extollit.
VIRGILIUS.

EXCV DENT alii spirantia mollius æra:
Credo equidem, vivos ducunt de marmore vultus,
Orabunt causas melius, cælique meatus
Describent radio, & surgentia sidera dicent.
TV regere imperio populos ROMANE memento.
(Hæ tibi erunt artes) Pacisque imponere morem,
PARCERE Subiectis, & debellare Superbos.

GUILLELMI VERHEIDEN VITA.

scripta

Per IACOBUM fratrem.



GUILLELMUS VERHEIDEN BELGA, MAGNA
vi animi & corporis adolescens, Graviter,
quod oppidum in Brabantiae finibus ad flu-
vium Mosam situm est, secundo Albanæ
Tyrānidis anno, nascitur. quod & ipse, certā

de causā, testatur in Præfatione Orationis ad REGINAM,
rationes iusti odii sui in Hispanos jā exponens, hoc modo:
*Is deinde Belga, qui tum primū in hanc sum lucem ingressus, cū
Albani furor in Patriam crudelissimē sæviret ex quo, si placet, intel-
ligant (ignavos calumniatores putans) Odium crudele Tyranni
animo meo a teneris iam tum unguiculis esse impressum.* Parentibus
ortus est honestis; qui nihil ita in votis habebant, quā ut
ingenuē honestēque filii educarentur; in primis verō disci-
plinis Liberalibus instituerentur. non quod pater ipsas Lit-
terarum vires per se intelligeret; sed amore & honore exci-
tatus esset eorum qui eandem amplexi fuissent, nomen &
decūsque aliquod comparassent. Quas Litteras cū omnes
ament qui egregiē a natura sunt compositi, tum ii præci-
puē, qui in familia aut genere suo præstantes quosdam flo-
rentesque studiis Litterarum viros intuentur; quorū ima-
gine & splendore vehementiūs ipsorum animi ad virtutē
cruditionēque accenduntur. Quod & hīc parentibus con-
tingit. nam matri fratres fuere duo, qui litteris, tum, quæ ex
his proveniunt, nomine & dignitate insignes exstiterunt.

uni nomen Antonius Gogava, alteri Igramus erat. Ille in Mathematicis disciplinis apprime eruditus, quas & Lovanii peradolescens admiratione multorum est professus: qui & CL. Ptolemæi libros. IV de Iudiciis ad Syrum (quorum sanè translatio difficilis habetur) in Latinum sermonem traduxit: idque præstitit felicissimè, iudicio etià Clarissimi Mathematici Gemmæ Frisii, Adriani Hegii, tum Caroli illius Langii, optimi doctissimi què, ut ajunt, Belgarum. Has laboris sui primitias obtulit consecrauitque Generosissimo Clarissimoque Principi Maximiliano Comiti Burenfi, cui tam propter patriam Graviam quàm eruditionem fuit gratissimus. Deinde Paravii in re Medica Laureâ consecutus, in Italia annos complures apud Vespasianum Gonzagam, Mantuæ Principem, magna cum gloria vixit. Quo tempore authores antiquos è Bibliothecis erutos Latinè loqui curavit, inque lucè edidit: quorū & ordo in Bibliotheca Tigurina anno LXXXIII. impressa sic legitur: ANTONIVS HERMANNVS. GOGAVA, GRAVIENSIS, E GRÆCO hos authores in Latinum sermonem vertit;

Ptolemæi Astronomica, Ejusdem Harmonicorum lib. III.

Theonis Smyrnæi de Mathematicis rebus à Platone usurpatis lib. II.

Aristoxeni de Musica lib. III.

Sereni Cylindrica lib. II.

Nicomachi Garazeni Musicam.

Proelum in Alcibiadem Platonis primum, & in Parmenidem.

Ioannis Curopalætæ historiam àe Vitæ xx. Imp. Rom. à morte Nicephori.

Postea hic ductu & voluntate ejusdè Principis, Madriti in Hispania versatus est, ibique usus consuetudine virorū præstan-

præstantium, in primis Ioachimi Hopperi, Regii in rebus Belgicis Consiliarii: cui etiam res suas paullo ante obitum commisit. Obiit itaque Madritii, Anno M. D. LXXIX. ætatis verò suæ, ni fallor, XXXX. Mortis causa alia atque alia exponitur. Porro ingens quoddam & laboriosum opus condiderat: quod cum prelo mandandum esset, subieptum ab Hispanis creditur. Nec hoc novum apud illam gentem. nam Hispanus, ut ambitiosum & invidiosum animal, si quid recte gestum fuerit, omnem ad se gloriam trahit, sibi que, quod alienum est, vendicat. Argumentum operis fuit, quantum conjectura augurari possum, de Diversitate Ingeniorum. Hujus Operis jacturam Sigilli Regii Custos Hopperus his verbis, in quadam epistola indicat: *Omnium maxime mihi dolet, & nondum satis pacato adversus Vespasiani Gonzagæ familiam ea causa sum animo, quod optimas divitias D. Antonii, & in omne ævum duraturas; quas eadem fide qua cæteras ad me miserat, arte abstulerunt. Nam vix quinque horis, antequam animam redderet, uti forte Oeconomus meus. officii causa ad illum venerat, tantum apud eum odio & importunitate efficiebant, ut de scriptis sibi reddendis ad me mitteret, quod suspicans quid ageretur, longe gravissimum mihi erat, nec sane fecissem, nisi meus quem dico Oeconomus testatum mihi fecisset, eam ipsius fuisse voluntatem. Scripta ipsa quænam erant, proximis litteris cum plusculum erit otii significabo.* Alter frater qui minor natu fuerat, jam paullo ante Viennæ Austriacorum anno ætatis, ut puto, XXXIII. è vita excelsit: qui cura & consilio fratris institutus, Bononiæ V. L. Doctor creatus fuit; deinde Mechliniæ, quod summum Belgii Forum est, causarum egit patronum: donec excellentis & magnanimæ femine Principis d'Espinoys litteris & promissis excitus, se ejus filiis duobus, in Austriam tendē-

tibus, siue ducem siue comitem addixisset. horum filiorū alter, Princeps d'Espinoꝝ, superiori tēpore præfectus Tornaci fuit, Libertatēque Patriæ contra Hispanos defendit: Alter, Comit̃is Stabuli titulo ornatus, arma Hispanorum secutus; in Anverpiana Obsidione, pulvere tormentario, siue in aërem abreptus, siue in terrā afflictus, occidit. Satis hæcenus multa. Sed ad rem. Avunculis his duobus præmatura morte ereptis, adempta etiam videbatur parentibus spes liberalis filiorum institutionis. Huic insuper dolori longē alius dolor accedebat; publica scilicet Patriæ calamitas: qua diuina humanaque omnia ab Albano illo, mōstro ex Mauro & Hispano conflato, miscebantur. Hoc luctu publico dolorēque vario conceptus progressusq. in hanc est lucem GUILLELMVS VERHEIDEN: cujus varii labores, alia atque alia fata, brevi eo, quo vixit, tēpore, fuere. ubi enim primū in lucē editus, matēq. partus contorsione & molestiis concussa jaceret; uterque inclementiā barbarosq. externorū militū mores est expertus. Locus siquidē dandus erat hostibus illis hospitibus: eaque ferē perferenda, quæ victores insolentes victis imponere solent. unde horror & trepidatio quādā corporis puerulo accessit, quæ anno ætatis xv. vix eundem reliquerat. hinc jure testatus est, odium etiā Tyrannidis Hispanæ à teneris ungulis animo suo esse impressum. Verū post paucos dies illi ipsi præsidarii, qui magna ex parte nominis Italici erant equites, parentes domūque, nova sanē mutatione observabant, beneficiāq. in eisdem serenā jā fronte conferebant. Cujus rei hæc causa fuerat. Huic Equitatu Italici nonnulli nobiles immisti erant, qui in Aula Ducis Mantuani vixerant; Antoniūque illum, matris fratrē, tum hujus oppidi,

oppidi, cujus custodes erant, civem esse noverant. Cum hi matrem in vivis esse accepissent, illico accurrunt; matrem patremque salutantes, nullum non officii genus promittunt: puerulum jam recens natum inque unis vagientem amplexantur. Pater humanissime jam excipitur. Praefecti studia erga patrem jam innotescunt: adeo, ut cives, qui importunitate & insolentia militum discruciabantur, domum nostram tamquam miserorum receptaculum frequentarent, quo levamen solatiumque aliquod intercessione paterna eis contingeret. Sed pater hilari fortè vultu inter peregrinos illos versans, corde dolore premebat. Tyranni quippe Hispani administratos hos omnes esse noverat. Primæ nunc infantiae tempore vix ulla in puero alacritas, sed tremor multus & gemitus: serius progredi, tum etiam loqui inceperat. quo non dubia signa dare visus est excellentis, constantis, magnaque aliquando moturi animi, si modo Physiognomicis sit credendum. Difficiles & ortus tardaque incrementa habet quod eximium fore putamus. Cum jam vix sexennis esset, in morbum gravissimum incidit, circa illud quidem tempus, quo in conspectu patriæ nostræ fortissimus imperator Ludovicus Nassavius in Moviciensi ericeto fusus desideratusque fuit. Quo in loco cum intellexisset adverso Marte à nostris esse pugnatum, graviter animo commotus fuit; brachiaque languida in medio licet morbo jactans, nescio quæ verba, dentibus infrendens, in Hispanum crepabat. Nunc hoc, quod illi innatum videbatur, odium, etiã ante illud tempus sæpe balbutiens, prodebat: quod filioli odium, cum apud suos esset, non sine voluptate referebat pater. Nimia illa animi ex sinistra pugna perturbatio, valetudinis secundæ ut huic initium, sic patri adversæ fuit;

qui eodem, quo Clades illa edita est, mense vitā cum morte commutavit, matrē liberōsq. tres superfluites relinquens. Instat nihilominus mater, propositæ filiorum institutioni incumbens; quō spem, quæ jam jacuisset, magis magisq. excitaret; nihil omittens quod se filiisq. dignum arbitrabatur. hæc, tot jam annis marito orbata, variā experta fortunam, hodiēque nostrā sequens, longē illam beatissimam spē in Dei Filio repositam expectat. Paucos post menses cūm Pater vita defunctus esset, hic cum pueris nonnullis vagans locum ingressus est, in quo solenne quoddā Symposium fratrum, ut vulgo, Iacobæorum institutum fuerat: In hoc ille (cum patris jam nonnulli mentionē facerent) virtutē patris prædicabat, tum magnum quendā animum ostentare videbatur: quibus moti aliqui patris amicitia studiosi vix à lacrymis abstinuere. Scholam frequentans, elementāq. prima litterarum discens, felicius quā ceteri ea perceperat: adeo ut nunquā lectionis causa verbis verberibusque impetitus fuerit: sed sæpius aliis de causis delatus, malevolentia quorundā ignavorum (quos in genere per omnē vitam vehementer odit) pœnas dedit. ita ut animū à Schola prorsus alienum, propter importunas puerorum accusatiunculas, habuerit. Et jā attingebat annum ætatis x. circa quod tempus pueri maximē sanctē educandi sunt; multo magis illo in loco, quo antiqui mores patriāq. disciplina, militum licentiā, infringebātur. Mater tristior filii querela pertinaciq. in Musas odio, quod nec ego nec quisquam alius evellere poterat, quid hic tentandū esset, deliberat. Ille interea permotus improbā puerorum, quibus cum ludebat, petitione, animū sedentariæ & illiberali arti adjecerat, certāmq. spē tractandi acumen conceperat. Nec destitit;

destitit; donec tandē intercedentibus amicis, á nobis eā in re difficilibus, hoc ipsum obtinuisset: eo tamē consilio, ut ætate firmiori, alias vel artes, vel ipsas iterum litteras amplecteretur. Liberatus nunc iugo Scholastico, felix admodum sibi visus est, quód, scepro falsisq; Ludimagistri excussis, humilis & decussatim sedentis Sartoris imperii insignia, ulnā scilicet (cui errantis patet dorsum) agnosceret. Quod expetiit, aggressus est: verum minimē legibus, ut alii qui se illi artimāciparunt, obstrictus; ut qui aliā tandē vitæ rationē secuturus esset. Porro illo tempore, inter ejus ætatis pueros, excelebat: lusu, cursu, lucta primus erat: Si qua inter æquales contentio; ille arbiter eligebatur: Si quis injustē agens; eundē ille aut verbis aut verberibus reprimebat: Siquis peregrinus puer vel etiam adolescentulus ex vicinis oppidis accessisset, sibiq; sumēs aliquid, cristas cōtra oppidanos socios erexisset, inq; eisdē peccasset, ille advocabatur ut cum novo homine decertaret, insolentiāque obtunderet. quo more militibus pergratus fuit: qui eundē observantes apud suos prædicabant. ceterum matri, ut naturā minimē pravi, obsequens fuit filius: quæ jã hoc agebat, ut filium Gallicæ linguæ percipiendæ causā ad peregrinos ablegaret, quo postea ratione commodiori mercaturæ committeretur: Verum cū a grē á matre divelleretur; casus incidit, qui matrem, ut sententiam de filio suam omnino exsequeretur, impulit: nam eū in aquas descendens natationi operā daret, adscitis ad hoc certis sociis, qui legibus inter natantes latis sese obstrinxerant; inter ceteras hæc lex stupenda sanē præfixa fuit: NEMO inter natandum periclitans auxiliū implorato: secus qui faxit, Societate exclusus esto. Alii tamē alios observanto: hi sponte, non vocati

cati laborantibus periclitantibúsq. subveniunt. Rationes legis hæ fuerant : Ne scilicet implorans misero clamore auxilium, ignominiam sibi pareret : Deinde, ne præsentí periculo admoniti parentes, quique filios suos, cæruleos istos fraterculos domi continerent. Accidit demum ut hic natans, fluvii vortices non notans, abreptus fuerit sub naves onerarias, á Leodinis Trajectinísque nomen habentes. hic clamor passim á spectantibus attollitur, Guillelmum Verheidé fluminis vorrice esse absorptum. interea (Deo ita volente, adque alia ipsum reservante) hic aquis, navibus oppressus, cum jam antea de salute desperasset, animum sumit, extremum experitur laboré: advocat omnia arma: manum forté cum extenderet, nauta profiliit, qui dextré manum corripuit. corporis viribus fractus jam já morituro similis erat. Aliás mihi hoc exemplo exposuit; Se sensisse, Quantum in extremis periculis bonus valeret animus. Mater nunc minimé moræ patiens; Lei tas ipsum anno ætatis xv. ad me adduxit; vitam casúsque fratris omnes retulit. Hic videns aliis se legibus subjiciendú, locum, quæ accesserat, carceré interpretabatur: ad vocem nominis Latinitatis exhorruit: hanc detestás nulla ratione allici potuit ad liberalem illam linguam: Gallicam ut addisceret linguam se Leidas venisse est proloquutus. Ego illi proponebam, Recté percipi non posse linguam Gallicam sine aliqua Latini sermonis cognitione: hoc agens, ut sensim æquius de Latinis bonarúmque artium Scholis judicaret. Prima nocte apud me dormiens, animum suum, Latinitati omni insensum, somnio prodebat: inclamabat & somnians verbera carnificinámque Latinarum Scholarum: ita ut veré dicere hic liceat; Latini sermonis inimicum hoc ipso
gravio-

graviorem, eodémque contrá annos xx. nato puriorem
 ejusdem sermonis cultorem, eo tempore inter multos fu-
 isse neminem. Comparati jam fuerunt Gallici Latínique
 libelli, persuasumque ut Gallica Latinis misceret. Egi cum
 Scholæ Rectore cui hic Guillelmas creditur: sententiam
 rationémque de fratrís studiis aperui. Scholam Leidensem
 privatam intrat, annum jam excedens xv. A discipulis su-
 periorum Classium hic socius (cujus corpus supra ætatem
 excreverat) expectatur. Hic licet re infimæ Classis discipú-
 lus fuisset; tamen Rectoris jussu, hoc modo pudori ejus
 consulentis, inter pueros penultimæ Classis habetur. Hic
 legere, declinare, verbáque flectere pueritia discebat. Ter-
 tiâ, ni fallor, lectione, felicius quàm ceteri injuncta reddi-
 dit: hinc laudatus á præceptore ad me accurrit; quem pri-
 ma fronte male affectû esse in Scholasticos verebar. Cum
 interrogarem, Quomodo arrideret Schola? respondit,
 Bene: rectius quàm alii lectionem tenui; eoque nomine á
 præceptore laudatus. Hac responsione non mediocriter
 fui lætatus. Posterâ die, feriis præstiturâ, iterûm ad me ve-
 nit: quâ in campos prodeambulantes de Schola loqueba-
 mur: nominû verborûque vulgares flexiones inter am-
 bulandum á me percipiens hic observabat. Quid contigit?
 Tantum profecit, ut non singulis annis aut semestribus;
 sed singulis feré mensibus dignus superioribus classibus
 judicatus fuerit, bienniique spatio non solum ab infimâ
 Classe ad supremam, sed etiam primus Scholæ evaserit; ter-
 tióque anno nōdum elapso, in eâdem Schola, voluntate &
 loco Rectoris, in Dialectica Græcâque lingua lectiones ha-
 buerit. Progressus in studiis fuit hujusmodi. Cum ejus es-
 set ætatis, quæ cum judicio perciperet ea quæ propone-
 bantur,

bantur, præceptaque memoriæ mandaret; ita insuper diligens fuit, ut lectiones quæ ex ordine recitandæ essent, non solum tenuerit, sed etiam præceptorem præcurrens, integros libros & legerit memoriæque impresserit: quâ ratione omnia, quæ longè post discenda essent, præcognoverat. Si quæ Compendia Authorum in gratiam Iuventutis in Schola traderentur; hic iisdem non contentus, genuinos primùmque editos Authores legebat, relegensque retinebat. Cum fortè ex præscripto magistri Epirome Elegantiarum Adriani Cardinalis puerorū manibus tereretur; hic Adrianum ipsum totum (qui sanè majori iudicio, quam ceteri, de Sermonis Latino scripsit) devoravit. Cum Phrases excipiendæ; hic Epistolarū libros Ciceronis, in primis ad Atticum, perlegebat; quæque legisset, ad usum transferrebat: illas ad Atticum Epistolas ita observarat, ut illo ipso biennio, nō solum in componēdo, scribendo, verum etiā in loquendo, eadem verborum structuræq. formulas expresserit. Emulatio quæ primo anno inter discipulos fuerat, in invidiam versa est: verum ipsa invidia (quæ inter pares, inferiores paullo aut superiores grassatur) brevi superata fuit. Omnes præterea huius candore integritateq. victi, invidiam in amorem verterant, palmam ei in literis aperte concedentes. Primis mensibus, quibus ea, quæ ad Latini Sermonis Constructionem pertinent, perciperet, & Ciceronis Virgiliique autoritatis sapius fieret mentio, nominis utriusque admodum fuit studiosus; adeo, ut Ciceronem & Virgilium (licet horum scripta ignoraret) in ore semper haberet. Sequentibus mensibus accipiens à præceptore, Ciceronem primum esse Latini sermonis authorem, sic & Virgilium poetam principē haberi; ita ejus animus utrius-

que desiderio & lectione accensus fuit, ut prius abſistere noluerit, quin teneret & imitaretur id quod uterque ſcripſiſſet. Iam etiam videns Ciceronem in Epistoſis Oratio-
nibusque quibuldam præclarum eſſe Reipubl. Libertatis de-
fenſorem; animus lectione Ciceronis vehementiſſimè fuit inflammatus. nam ita puer naturâ forinatus, vitâ quodiam-
nôque ſermone doctus fuerat, vt **PUGNARE PRO PATRIÆ LIBERTATE**, ſummam gloriam eſſe duceret, eoſque qui pro illa cecidiſſent, tum hodie tutarentur, ſummis laudibus in omni colloquio ornaret. Sic & Virgilium attentè audie-
rat, ſtudioſè legerat. puritate Terentii capiebatur, **Æſopi Fabulis** mirificè, etiam omni vita, delectabatur: Præcepta Dialectices jam intelligens, ad uſum accommodabat: Iſo-
cratis Demotheſiſque orationes quaſdam cum fructu etiâ perceperat. Et nunc tranſactum biennium. Ad patriam Graviam, ego magis herendi, ille redeundianimo, contē-
dimus. Noſtrorum bonorumque gratulatione ſalvi in patriam peruenimus. Noviomagum, quæ Geldriæ urbs prima, nimirumque vicina miſeræ patriæ, ad hoſtem jam Hispanum, ſeditioſorum, corruptiorumque juvenum au-
daciâ, tum imperitantium imperitiâ, defecerat: quæ urbs in patriæ muros excitaverat propugnaculum; ita ut omnia ad bellum concertationemque ſpectarent: Hic inſitus ani-
mus comprimi non poterat: milites compellabar, arma velitationeſque eorum quotidie luſtrabat. Eo ipſo tempo-
re Alexander Farnexius Antverpiam obſidione premebat: de qua ita loquebatur: Si Hispanus imperio ſuo Antverpiâ ſubjecerit, mihi perſuadeo, eundem hoſtē Graviam hanc tentaturum eſſe & oppugnaturum: hoc ſi jam contingere-
ret, ſcilicet ſi Antverpia hoſti ſe ſubmitteret, me ex patria

nullius verba extruderent, nullæque etiam Leidenses Mu-
 læ revocarent. His moti, omni diligentia ipsius in Hollan-
 diam reditum adornavimus. Præscribo ipsi certam formu-
 lam in Iure Civili studendi: sic & alia impono. Temporis
 rationem ut habeat, adhortor; memorque sit mutationis
 rerum humanarum: Fortunæ vires nunquam magis quàm
 in bello ostendi: Quod facile fortunæ relique nostræ everti
 possunt: demum, Spem omnem in bonis animi esse po-
 nendam. Patriâ tandem excessit: Bommeliâ vi. millaria
 Graviâ distantem pervenit. Sub vespere à vicinis Dufil-
 viis tormenta aliena explosa, quorum fragores bombæq;
 Bommeliis, Antverpiæ captae indicium fuere. Ille hic dis-
 cessum & patriâ suam deplorare, amentiam execrari, ani-
 mo fluctare. Verùm Lugdunum Batavorum reversus est,
 animû gerens Marti magis quàm Musis addictum. Scrip-
 serat ad me mense, post reversionē, primo, petens ut sibi
 Philosophiæ studium adhuc sequi liceret. Concessi. Iam
 subactâ Antverpiâ, nihil ita quàm patriæ obsessionē me-
 tueramus hostem, ut oppidū caperet, non solum loci op-
 portunitas, sed etiam proximorum Noviomagensium &
 Silvacensium preces, fidem suam erga Regem Hispa-
 num, magnificè jactantium, inducebant. Obsessa patria
 est: machinæ tormentaq; admoventur, mœnia pulsan-
 tur. sequenti die, non solum præter Fœderatorum Libertatem
 Patriæ tuentium, sed etiam ipsius hostis expectationem,
 Præfecti Ducumque in primis ignavia (explosis aliis, ut ple-
 rumque his in rebus, frivolis ratiunculis) traditur oppidū.
 Apud hostes jam latitia, apud nostros miseria ingens erat:
 neque sine ratione, si recte tum temporis rerum statum
 intueri velimus. Cum jam hosti patria dedita esset,

Leidas.

Leidas perveni. Ille me ut valentem salutatur: ut patriam ira relinquentem objurgat: suam illam absentiam deplorat, tamquam is fuisset, qui rem tam nefandam minime admisisset. Natus jam erat ferè annos xvi. Hic ratione & exemplis instabat: Græcos, Romanosq. producebat: Gregarii etiam unius militis operâ oppidum servari potuisse, non sine exemplo docebat. Et sanè hoc ejus iudicium, licet temerarium & puerile vulgò videatur, non prorsus a rei veritate alienum est. Nam hoc statuendum: Innumeros esse & duces & milites, qui, cum hostium vis longè abest, addo etiam, cum imminet, aperte proclamant, Morte locū libertatēque esse aut defendendum, aut honestè vivendum. Quisque optimus tum haberi vult bellator, qui verbis maxime strenuus est: ubi verò manus cum hoste conferenda, mors jam jam oppetenda; timor invadit plurimos, eos præcipue quos voluptas cepit, tum Martē Mortēque antea in lingua habuerunt: quos homines verbosos, nescio an naturā, semper ignavos fuisse compertum est. Provida sanè Natura, quæ ut nihil frustra faciens, hoc, quod linguae tribuit, animo adēmissē videtur. Verū cum jam ipsa mortis imago occurrerit, horrore mortis plurimorum tam militum quam ducum animos occupaverit, conventus plerumque habetur sive paucorum sive multorum, in quo quid expedit, deliberandum venit. Quid hoc in conventu quaeritur? Præfectus sive imperator, vir bonus, interrogat vel singulos vel omnes, inquit, Quid consilii? Altum hic, ut plurimum, silentium. Alter alterum aspiciit, verba nutusque observans: Vox submissa, an clara, an color alius, an vultus mutatus, an aliqua corporis sit trepidatio, animadvertit. nemo subito hic, nisi

magnanimus loquitur primus. Quare? quia ignavi & effeminati hæc duo respiciunt: Primum, quod ignorent, utrum præfectus tantum hæc proponat, animos suorum explorandi causa, an verè: Deinde licet gestu signisque animum proderè videantur, non tamen apertè audent sententià declarare; ne summæ levitatis & ignaviæ arguerentur, ii, qui ante pugnas, tormenta minasque tam strenuè linguâ bellassent. Periculosa admodum res hîc est silentium: periculosa est etiam hîc licet bene sentientis pro Patria submissa modestaque vox. Hoc igitur statu quo quisque silet, alter alterius tacitos affectus, alium in aliis esse colorem ab illo quem quis ostentabat inter pocula mortem contemnens, observat. Quid agendum? Hoc utendum remedio est: Ut statim, ne tandem animi sententiam verbis ignavi exprimant, fortis magnanimusque vir sese efferat; omnemque salutem aut in vita aut in morte ponat honesta. hac ratione ignavi, omnes unius hujus pro Patria sententiam sequi cogentur. Sed si ignavi, quorum semper maximus est numerus, prius suam dixerint sententiam; ea ipsa ignavorum animos celerius occupabit, quàm flamma stipulas aut pulverem, ut ita dicam, tormentarium absumpserit. serò tum magnanimus progreditur: qui alioqui in illo silentio, in illa animorum hæsitacione & demissione, ignavorum spem facillimè evertit, patriamque conservat, sive is dux sit, sive miles, modò accessus detur, gregarius. Verùm ubi prudens & magni animi dux aut Imperator est, nihil horum instituendum est; multò minus metuendum: sub hoc tam ignavi, quàm fortes cum hoste certant. Illo incolumi, ducum militumque omnium una mens erit,

omniâque salva. Longior hic fui; verum partim dolore, partim ratione provocatus. Fortè ipso tempore, quo de deditiōe Patrię agebatur, gravi morbo Guilielmus laborans decumbebat, deq̃ue vita periclitabatur. somnio quodam mentis suę cogitationes reddere visus est. quod fuit, ut mihi narravit, hujusmodi: Cum jam in eo patria esset statu, quo, animi omnium ad deditiōem propenderent; agereturq̃ue de mittendis legatis vel emissariis ad Principē Parmensem, oppidi relinq̃uendi causâ, sub certa lege & conditione; me, inquit, obseuli; cum Parmensi me acturum pro salute patrię promisi. Erant & mihi alii adjuncti: Ego nomine omnium certa lege eorū Principe verba feceram. Hic non ita verbis meis respondens, munere me aliquo ornare studebat: cui ego liberē; Quos non armis & ferro, eisdem nunc auro capere contendis; Princeps in his, quę proponebantur a nobis, jam facilior videbatur. Revertens cum sociis in oppidum, hos in via docui, Patriam nullâ lege esse deferendam; petiq̃ue ab his ut me solū rem apud Parmensem gestam oppidanis exponere sinant. Por-tis jam appropinquans interrogatus, Quę spes? nulla, respondi. Falsa hæc erat responsio: nam Parmensis omnia concessisset. Ego me naux ad vallâ, oppugnationis locum militesq̃ue defensores propui; spem nullam esse dixi; ad arma, milites; conclamavi; tormentum in hostē primus explosi. Omnia jam fragore, clamore, armorumque strepitu miscebantur. Ego inter ea tumultuario illō somno solutus sum: & eo ex tempore morbus factus est remissior. Hæc hætenus ille. Hoc ideo retuli somnium, ut inde animus ad rem militarem proclivis constaret; & quæ ignavia dedecusq̃ue longius abesset. Quæ enim

homo

homo diurno tempore agit animoque volvit; ea plerumque nocturno somnians reddere creditur. Sed ad ea unde digressus sum. Cum hujus jam ardens in Patriam studium, vocem verbaque gravia, res serias, illam Latinitatem animadvertere; admonuit, novo fiat unum verbū exemplo, ut Orationē de laudibus PRINCIPIS AVRIACI componeret. quod fecit. nam III. Non. Aug. quæ jam instabant, dicenda erat oratio: qui dies anniversarius, quo Princeps ille verē PATER PATRIÆ appellatus, sollemni & illustri funebri pompa ante bienniū elatus tumulatusque fuerat. Composita Oratio est; mandata nullo labore memoriter venia publicē dicendi jam á Rectore Academico impetranda. Interrogatus hic fuit, quibus in locis, qua in Academia studuisset: respondit, Ex Schola se elementaria sive privata prodire: plus se labori animoque suo tribuere, quàm locorum, in quibus quis vixisset, claritati. Dicendi venia impetrata, publicē indicium factum; Guillelmum Verheiden anniversariam Orationem habiturum in Obiitum Principis Auriaci. Prælonga pro ratione temporis hæc fuit Oratio: præsentī hæc animo fortibusq. dicta lateribus. Prima hæc Orationū fuit, quas publicē habuit plurimas. Auditores, ut varii generis, sic & varia judicia tulerunt. existimabant nonnulli ab alio profectā orationē, & huic esse subministratam: prudentiores non ita judicabant; postquā animus actiōque dicentis cum ipsis verbis conveniret. alii aliter. brevibus, prædicata fuit Oratio. Aliud jam in limine erat festum, per Bataviā clarissimū, quod fortissimorum Leidenensium proprium est; quodque v. Non. Octob. observatur: quo die, ante annos xxii. á gravissima & extrema Obsidione Orbis hostium Hispanorum liberati fuere Leidenenses.

denſes. Feſtus ille dies imminebat: copia facta dicendi. Orationem itaque habuit in Obſidionem & Triumphum Leidenſium, in frequenti tam viroꝝ præſtantiuꝝ quàm ſtudioſorum concione. Trium horarum ſpatium exceſſerat Oratio: duæ horæ matutinæ, parti quæ de Obſidione, pomeridianum tempus Liberationi Triumpho quæ præfixum fuerat. Oratio matutina ita placuit auditoribus, ut iidem magnâ frequentiâ poſt meridiem, non habitâ publicæ lætitiæ ratione, iterum adventaverint. Laudata à præſtantibus viris Oratio: animus, dicendi vis, vox, memoria, actio commendata: eximium de novi adoleſcentis ſtudiis latum eſt judicium. Erant in hac Oratione artificio pluriſima, affectus varii, qui miſeros, exhaustos, & jam præ incidia quaſi exanimēs, animamque eſſantes cives exprimebant. hic & ad vivum perſona referebatur Conſulis illius fortiffimi, urbiſ conſervatoris, ſuos in extremis periculis, inuſitato more & exemplo, ad fidē conſtantiāmquē omnē inducentis & exhortantis. Cūm Orationem hanc diceret, aderat & Hugo Donellus Iuriſconſultus præſtantiffimus, animoꝝ explorator acerrimus, tum graviffimus morum cenſor, qui hunc paullō poſt tempus habitæ orationis ad ſe vocari juſſit: venientē lætus exceperit; exhortatūſquē eſt, ut in illa via perſiſteret; fore ut illo ſuo ſtudio & animo res magnas ſibi patriæquē ſalutares aliquando gereret. quod idē mihi poſtea confirmavit vir celeberrimus, petiitque à me ut fratrem illo in ſtudio detinerem. Profectō hoc animo arteque ſua ad excellentē quendam dignitatis gradum perveſſet, ſi duo hæc ſumma adfuiffent; præſens ſcilicet quorumdā Favor, & quod maximum eſt, Ipſius voluntas. hac de ſpe & gradu infra dicturus ſum. Animus etiām

jam tum ad bellum erat propensior. Ad Ciceronem nunc
 omni contentione se convertit: cuius licet nonnullas ora-
 tiones tum libros de Oratoria attentè perlegisset: non ta-
 men desistere voluit, quin Ciceronē totum suum faceret.
 legit relegit omnia Ciceronis scripta; tantique in lectione
 progressus, ut periodos sententiāsque Ciceronis notaverit,
 tum locos in quibus illæ tenerentur, memoriæ, quæ in co-
 summa erat, mandaverit. Præterea aureum illum de Ora-
 tore libellū ad verbum tenebat: Epistolas ad Atticum, Ora-
 tiones illas Philippicas in succum & sanguinē suum, ut vul-
 gō, converterat. Philosophiæ nihilominus incumberebat.
 Quæ legerat, perceperat, ambulando meditandoque dige-
 rebat. Illustrium tam Græcorum quàm Latinorum vitas
 legens se recreabat, præcipuè eorum qui bellica virtute in-
 signes fuissent. præstantes illos militari laude Duces, non
 semel omnibus Philosophis Oratoribūsq. præposuit. Xe-
 nophontē propter sermonis puritatē facilitatēmq. studiosè
 legebat: cuius Cyropædiā ex parte Latinè transfererat: ve-
 rum temporis brevitatis, tū studiū sui memor, destitit. Ob-
 servabatur jam, ut notus, à multis, partim amore, partim
 odio. Sparserant inter suos nonnulli, hunc novum Decla-
 matorem valere aliquid in re Oratoria, adjutricæ fidæ me-
 moriā: verum in Philosophia nihil præstare posse. Quod
 iudiciū cum ab amicis accepisset, ad me retulit. Ego institi
 ut periculū in Philosophia publicè faceret. Libens paruit.
 Ne illotis jam manibus sincera; illius Philosophiæ specimē
 edere videretur, ostiduo antè præmisit. Orationē de Elo-
 quentia cum Philosophia conjugenda in qua clarè docuit,
 quid Philosophia, quidq. esset Eloquentia, quàm hæ Do-
 minæ rerum inter se sibi conjunctæ essent. Hic & illos qui
 Philo-

Philologorum nomine tumidi sunt, perstrinxit, tamquam eos qui Philologiam suam Eloquentiam Philosophiamq. præferrent. Oratione habita, Theses, novo ante illum die exemplo, impressæ, affixæ distributæque fuerunt. Conceptæ hæ Theses erant de Methodo, materia sanè utilissima & nobilissima. Duo hic summa admiratione digna esse omnes censebant: Primum, Quod hæ Theses de UNICA METHODO essent propositæ, quæ sententia publicè gravissimos habebat adversarios: Deinde, Quod sine ullo præside, suo Marte, præter omnem morem, defensurus esset. Laborabat hic plurimorum odio, quod multi Philosophiam studiosi, tum alii in ipsum effuderant. Invidis arrogans visus est quod tantum sibi sumpsisset. In eo jam molestia permagna sita videbatur, nimirum, quomodo adversariis ita exacerbatis (postquàm sine præside res ita controversa defendenda esset) silentium imponeretur. Quæ res maximè cum bonosque omnes sollicitos habuit. Verùm inventum à nobis remedium certissimum & honestissimum, quod ei, priusquam ingrederetur Disputationem, sæpius proposui. Est autè hoc: Vt jam calore disputandi incitatis, vehementiusque insurgentibus, & sine lege vociferantibus, tarda gravique voce, vultu sedato, responderet: & quo illi insolentiores, eo ipse esset moderatior. Hoc modo commodè adversariorum clamoribus obviatum est: tum defendentis animus in sede sua semper præsens mansit. Suo itaq. tempore, ceteris silentibus, bono more, finita Disputatio est. Quod cum vidisset, paucis ea quæ de unica Methodo confirmanda adhuc haberet, exposuit, docuitque. postremò, Gratiæ ex consuetudine actæ. Generosi adolescètes virtutèq. præditi viri hunc magis magisque amabant: ante alios Adolphus Mecker-

chus, Flandriæ Præses, antiquis moribus summâque eruditione vir, hujus in respondendo moderationi singularem laudē tribuit; adolescentēmq; propter studia animūque quem in Hispanum hostē gerebat, tum propter avunculū (de quo supra dictum) cujus olim ipse Lovanii in Mathematicis auditor fuerat, in oculis habuit & commendavit. Iam denuo ad Ciceronem revertitur: omnesque qui superiori ætate apud Italos dicendi facultate clarī evasisent, requirit. Polizianum, Barbarum, Campanū, Faustum, Bembum, Sadoletum, Longolium, Sigonium, Muretum aliosque jam comparaverat: quos legens, qua in parte quisque excellisset, notabat. Et licet plurimum in hoc studio proficeret & valeret, animus tamen bella duēsque spirabat. Non procul jam aberat dies Aprilis XII. quo ante annos XXII. Ludovicus Nassavius, fugatis copiis, desideratus fuit; quem publicē eo ipso die celebri oratione ornavit. Studia nunc huius Mæcenatē quemdam insigiem postulabant. nam patria capta, fortunæ eversæ, res angustæ, tum, quod majus, animus liberalis erat. usus hic perinvirus, me instigante, viri eruditione & nomine clarissimi commendatione ad eum, cujus ē dignitate tum etiā utilitate esset hujusmodi adolescentes fovere adque altiora erigere. verūmodestā excusatione tacitā quasi repulsam passus, altiores capiebat spiritus, ea respondens quæ se & viro digna essent. Magnis statim passibus Leidam, quam in conspectu habebat, iterum contendit; nihil cogitans agēsq; quod præter virtutem summāque foret honestatē: iam annum XIX. excesserat: quo tempore, de pace ineunda cum Hispano, frequens apud plebem erat sermo. Blandum hoc & jucundum Hispanæ pacis malum latē proserpebat. Hic rerum

causas

causas & eventus considerans, Pacē veram cum Hispanis fieri nullo modo posse, constanter affirmavit. & si mihi, inquit, ea in re crederetur, apertissimē demonstrarē. Quid factum; Hispanorum res gestas sedulō perlegit; Naturam, Ambitionem Avaritiamque notavit: Proscriptionem Hispani promulgatam in Principē Auracum, huiusque Apologiam, tum Ordinum Scriptum, quo declaratus est hostis Belgarum Philippus, summa diligentia perlustravit. His accesserant Præcepta Politices, Orationesque Ciceronis Philippicæ; ad cuius imitationem hanc suam Orationem contra Pacem Hispanam formaverat. Et ut Cicero ostendit, Pacem cum Antonio esse inutilem, turpem, & eam quæ fieri non potest: sic & hic de Hispani Pace iudicavit. Orationis genus acre, argumentis, interrogationibus brevibusque periodis abundans. Convolabat ad locū satis clarum & commodum: in quo, si copia dicendi facta fuisset, non sine admiratione dixisset. Hanc copiam dicendi sibi non fore, licet ex parte præsentiret; voluit tamē exemplo antiquorum Romanorum animum suum erga Rempub. suique spem adolescens declarare. Non multum igitur hīc præter expectationem accidit. Hęc Oratio contra Pacem Hispanam; si illis temporibus (quod non ita licet) lucem aspexisset, sine dubio Politicorum iudicio, propter sua illa ita in acie collocata, argumenta, variorum ut vocant Discursus sive Disputationes, illis temporibus editæ contra Pacem Hispanam; rationibus suis inferiores habitæ fuissent. Conquirent nunc Græcos Latinosque qui de Moribus tum Illustrium Virorum vitas scripserunt: ceteros Ciceronis libros Philosophicos tum & Valerium Max. manibus terebat. hunc scriptorem, ut Praxin Ethices traden-

tem, plurimi fecit. Et cū videret vanum esse nomen Philosophi, nisi is Philosophiam quæ in primis in Moribus consistit, vita & exemplo explicaret; Orationē publicē instituit de Simulata Philosophia, contra eos agens in genere qui nomine non re essent Philosophi. qua oratione novos sibi creavit calumniatores. Imminebat nunc sollemnis dies kalend. Augusti VII. quo, anno LXXXI. omniū Ordinum Fœderatorum sententiā habitus declaratusque fuit Belgarū hostis Philippus. In hujus Tarquinii Hispani Regis fugium clarissimam orationem magna in frequentia habuit. atque hoc circa illud tempus quo secundis ventis Classis illa Hispana Britanniam jam petebat. cujus orationis mentionē facit in ea quæ prelo edita IN CLASSEM XERXIS HISPANI, cū primum animum studiūque suum aperuisset, hoc modo: *Quemadmodum igitur antea sponte meā & naturā paratus, cū maximē furor arderet Hispani, cū ventis, velis, remis incitata Classis aduolaret, tum VII. Kalen. Aug. quo iudicatus est Hostis Belgarum Philippus, Diem Patriæ salutarem, gratum bonis viris, mihi verō jucundum laudatione in memoriam revocavi: ornavi constantiam; abjeci socordiam. potentiam Hispani videri magis quā esse pertimescendam probavi. Sic idem ego nunc iurejurando confirmatus, Deum immortalem Patriamque testatus de pernicie atq. Terrore universi terrarū Orbis extincto, oratione triumphabo.* Subsequebatur jam dies August. III. quo res gestæ Principis Auriaci ex more recolendæ essent. quare cū ante biennium de Virtutibus Principis in genere dixisset, nunc de singulari Principis Virtute, MAGNANIMITATE, verba fecit. Ad studia privata se iterum conferens, Orationes Demosthenis, & maximē Adversarias istas duas diligenter recognoscebat: Ad Rhetoricæ Aristotelis lectionē accedebat,

in qua Aristotelē se ipsum superasse iudicavit: nec veritus est hanc Rhetoricā librorum omnium quos hodie habemus Aristotelis appellare præstantissimum. Intervénit hic tempus illud optatissimum, quo scira flammâque fugata, ventis dissipata, fluctibus absorpta scopulisque illisa est potentissima illa CLASSIS HISPANA; nuncio omnium gratissimum. Nam (ut veré hic in principio Orationis) *quæ res unquam accidit, vel accidere potuit, aut Britannis Belgisq. optabilior, aut exteris nationibus utilior, aut acerbior Hispanis, aut commendanda magis memorie posteritatis sempiternæ? Prius ille ipse Oceanus, qui naufragos illos absorpsit, dissipavit, eiecit, Britanniam atque Belgicam, prius ipsam inundabit Hispaniam, quàm iustissimū illius pestiferæ Classis interitū ulla vel oblivio delebit, vel obscurabit vetustas. quàm enim diu aut nostrum, aut illorum nomen exstabit, tamdiu et victoriæ nostræ manebit et calamitatis illorū recordatio. Itaque hanc ego victoriā eo libentiùs alacriùsq. commemorabo, quòd nihil accommodatius sive ad tristitiam calamitosorum consolandam, sive ad tarditatē otiosorum incitandā esse videatur. Quod enim majus ad minuendum dolorem solatium, si tam celerem tantæ Classis interitum? quod acrius ad defensionem sui suorumq. incitamentū, si CVIDITATEM DOMINANDI expendas? Nactus igitur hic Orator noster præclaram materiam, typis Orationem in CLASSEM XERXES HISPANI commisit; REGINAEQUE, omni ætate propter omniægenas virtutes, clarissimæ, dedicavit. Hujus Orationis exempla pauca exquisitissimis formulis impressa fuere, adque virorum præstantium manus potissimum pervenire. Multi hanc mirati Orationem, cum rem ipsam, styli elegantiam, adolescentiam authoris animum, que magnum perspexissent. Orationis hujus partes duæ: prima est de ipsa Classe, in qua stylus sublimis, apparatus*

paratus sermonis magnificus, potentissimæ Classi tam ad pompam quàm ad pugnam instructæ superbissimique Hispani ostentationi conveniens: Altera est, in qua stylus concisus, interrogationes crebræ, argumenta brevia, oratio concitator, utpote ad eos scripta, quorum res est, hac oblatâ occasione, armis virisque Hispanum ambitione furentem coercere. Multa hinc prævisa & antè denunciata quæ contigerunt hodièque contingunt. ita inter alia ad REGINAM: *Hoc Navali Terrore sublato, ne rem unam esse actam putemus, Tria secunda nobis, adversa illi acciderunt. quandoquidem & Periculum, quod imminabat, repulsum; & formidolosa aliquantum imminuta Potentia; &, quod ego maximū esse duco, patefacta est omnibus DOMINANDI CUPIDO. hinc quanta sit consecutura Mutatio, ego non dico; vident Prudentes, ipse qui propinquat, Dies docebit. Hanc tamē Orationē, ut pietā & mutā, non magnificavit. Animā & Actionē huic deesse dolebat: utinam, dixit, mihi apud eos hæc dicenda esset Oratio ad quos pertineret: satis tum me magnum laborum meorum fructum consecutum fuisse existimarem.* Nunc xx. annorum adolescens, locum quem antea bis tervē salutarat, repetit: atque hoc animo significandi studium mentemque suam, ut in re honestissima, sic & ejus vitā maximè dignā. Nomen jam quoddam pepererat edita Oratio. Admissus fuit apud eos quos summè alloqui cupiebat. Hinc habita oratio: Adolescens, temeritatis notā prius declinans, ut vir loquitur: animū studiūque suum exposuit. discessit. revocatus mox, Latinā Oratione à principe quodam viro exceptus; ejusque studium & animus erga Patriam probatus est & confirmatus. Biduo aut triduo post quum hunc locum reliquisset, ad eum perlata litteræ à summi ordinis Viro scriptæ, hoc exemplo: *Omnino cupie-*
bam

bam, doctissime Verbeiden, ut te, cum hic esses, salutarem. Id quia non contigit, intelligas nunc velim, curaturum me, ut & Oratio tua tam insignis ad Reginae manus perveniat, & certe summis laudibus comitata perveniat. Quod non eo dico, quod putem eam aut meo egere, aut sane cujusquam praeconio: sed est scripta elegantissime, planèque supra aetatem tuam, & supra consuetudinem aliorum quantumvis licet doctissimorum hominum. Quo quidem nomine non possum, quin quod sentio exponam, & Regiam litteratissimam ad litterati muneris remunerationem adhorter. Id quod libenter & quam primum faciam: mihi què gratulor interea hac tali noticia tanti adolescentis missum verò exemplum gratissimus amplector. De negotiis quoque meis, nisi ita, ut scribis, esset, vix ut mihi tribuant vacuum tempus; me Lugduni Batavorum propediem videres, hominem què Anglum tui studiosissimum cognosceres. N. Feb. 21. 89.

Volvere eo ex tempore ceperat Historicos, Herodotum, Thucydidem, Sallustium, Livium, Tacitum, Conciones Livianas, tum aliorum tam Graecorum quam Latinorum, in quibus prudentia summa & Historiae anima cernitur, magna voluptate non semel sed saepius legerat. Quò magis in his verlabatur, eò animus ardentior (quem tamen saepius extinguere conatus sum) ad rem gloriamque militarem ferebatur. Cum menses jam aliquot ab eo abfuissem, scripsi ad eundem de studiis utriusque nostris: postremo, agens de rerum nostrarum statu & fortuna, contendi, ut, prima data opportunitate, responderet. Quod fecit. Litterarum ipsius exemplum hic adscripsi, quò planius eo tempore condicio, vita, animus resque ejus omnes sint perspectae; his verbis: *Omnia in adventum tuum reservassem, nisi scire cupisses, si quid accidisset, quod ad te scribendum putarem. Primum igitur illud velim intelligas: nos utroque & ani-*

mo & corpore maximè valere. Animus enim ipse erigit se attollitque quotidie, sperans vel potius confidens fore, his depravatis nostrorum moribus, occasionem, qua se, vel invitis aliis, ostentare cum laude possit. Corpus autem sic exerceo, ut, cum tempus postulabit, cum alacribus saltu, cum velocibus cursu, cum validis velle videar certaturus. Quid ergo tantum corporis causâ laboro? non: verum quoniam animum aliquando sine robore corporis nullum esse video, hoc illi adæquare etiam nunc volo. Illud mihi studium delegi, quod non modo alacritatem ingenii, magnitudinem animi, verum etiam vires corporis requirit. Rem nostram perangustam esse non ignoro. est igitur elaborandum nobis, ut egestatem propellamus, retineamus honestam paupertatem: neque enim, crede mihi, quisquam extollere sese, & divina mortalis attingere potest, nisi relaxatus cura rerum externarum. Quod verò quæris, num quares aut spes sit: certè spes & res summa, sed in virtute nostra; ab aliis nullam dum expertus. fortasse

— Via prima salutis

Quod minimè reris Graja pandetur ab urbe.

Censorum verò iudicia nihil moror. nullius enim neque laudationem vehementer exopto, neque reprehensionem magnopere pertimesco. An verò aut tam sordidus sum; ut gloriam omnem aspernex? aut tam impudens, ut aliorum iudicia non metuum? nihil minus. Cognitio mei ipsius me & futurum tempus sustentat. Et ab eo plura scribere, quæ te scire non nolle arbitror: sed jam desino. te propediem exspecto: matri meliusculè esse gaudeo. Vale. Lugd. 22. Apr. An. 89. Constituerat nunc mater & ego, hætenus ut voluntarii exules Dordraci agentes, nos nostraque transferre Leïdas, ut eo in loco simul viventes sumptu faciliore rebus nostris consuleremus. Quod contigit. Annum tantum unum hic unâ viæ eramus: quo hæc secutus est studia. Primùm se colligens moribus se dignis studebat: voce, gestu, vita nihil edere

edere annitens quod in alicujus reprehensionis notam incurreret. Lectiones Theologicas, habitas ab eo qui methodicé, expedité Latinéque docebat, summa attentione audivit; ut Epistolam ad Rom. tum loci Communis de Autoritate & Interpretatione Scripturæ explicationem, Bellarmini Sophistæ ratiunculis oppositâ. Proponebat & tres Authores, in quibus eo ipso anno feré totus erat; scilicet Virgilium, Ciceronem, Liuium. Verum majoré operâ in Virgilio ponebat: ad quem multo cum fructu intelligendum nec labori nec sumptibus pepercit. Hunc cûm legisset sæpius, non tamen contentus quin *Æneidos* libros memoriæ mandaverit: deinde conquissivit poëtas tam Græcos quàm Latinos, quos Virgilius vel secutus; vel imitatus fuisset, vel etiâ corrigisset vel notasset; in primis Homerum, Apollonium Rhodium, Ennium, Lucretiam, aliâque Authorum fragmenta: quos cûm legeret, Virgilianæ *Æneidos* Rhapsodiam, quam jam totam tenuerat, agnoscebat. Verba verbis, res rebus conferens, eruditionem judiciumque Virgilii multis modis anteferebat. Adhibuit præterea commentarios in eundem poëtam, postremoque jam legens doctissimos illos libros de re Poëtica, quos scripsit Iul. Cæsar Scaliger, verus alter Varro, mirificé lætatus est suam cum Scaligeri sententia convenire: qui hoc in illis libris molitur præcipuè, ut Homero Virgilium superiorem esse significet & demonstret. In gratiam etiâ Virgilii legit memoriæque impressit breve illud opusculum Musæi, antiqui Græci poëtæ. licet dubitetur propter varios Musæos, num hic ille sit cujus Virgilius VI. *Æneid.* meminit: *Musæum ante omnes*, &c. Ita Virgilium coluit, ut eundem per excellentiam Doctorem

suum appellaverit. Dixit quoque, Si interrogatus, ūter mihi magis profuisset, Virgilius, an Cicero? responderem, inquit, Virgilius: quem & authorum omnium in suo genere præstantissimum, Latinorum scilicet Græcorumque principem judicavit. Hujus Poëtæ varias habebat editiones: puerisque, in quibus lumen aliquod animi esse conspiciebat, ad se aliquando vocatis, in signum diligentiae, Virgilios, non sine Authoris commendatione, donabat, unde à quibusdam Virgiliorum dator dictus fuit, quo titulo sibi visus est aliquando placere. Graviora jam meditatur. Quæ res Imperia, & Respublicas extulisset, easdemque evertisset, perpendens, Remque publicam Batavicam privatorum moribus corrumpi, patriosq. mores mutari perspiciens, Orationem publicè ad Novos Batavos habuit: quos Novos nova vivendi ratione nominavit. Præclara & antiqua, contra, præsentia privatorum Batavorum studia reperit. Nihil ita obesse quàm corporum animorumque voluptatem, cui novi peregrinique mores, quos ut plurimos notaverat & perstrinxerat, accessissent. conclusit demum: Corruptis privatorum moribus, Rempublicam nullo modo posse consistere, cujus Orationis verba hæc postrema: *Illud denuncio, illud prædico, utinam fallar, Nisi in viam redeamus, etiam si nihil ab externo hoste metuendum sit, Patriam intestinis esse dissidiis interituram.* Bellica nunc laude præclaros suo more extollebat, vix jam videbatur admittere aliquem, qui à bellicis studiis cum avocaret. Obstiti vehementer. Quocirca vitam quam hætenus duxisset, tum & præsentem, otio plenam esse interpretans, nullamque sibi offerri occasionem, qua virtus enitescere posset conquerens, statuit exteras adire regiones, & in primis

mis Rempublicam Venetam toto orbe celeberrimā, Oratione etiam, si fieri posset, salutare. Quod ipsius studium & animum comprobavi, sperans hoc modo de bello cogitationes eximi posse, vel saltem ad tempus supprimi. Hæc circa Kal. Oct. fuere constituta: insequentis verò anni x. Kalendæ Martiæ profectiōni peregrinationique præfixæ. cum mercatoribus enim Francofordiam eundum erat. Interea temporis Liviū absolvens, Ciceronemque postremo recognoscens, de studiis suis in exteris regionibus cogitabat. His cum fatigatus esset; instituebatur inter nos sermo nunc de situ & natura Regionum, nunc de gentium moribus, urbium splendore & legibus: tandem & de illis viris qui majorum ætate litteris scriptisque claruissent, tum qui hodierno die florent. Appropinquabat jam profectiōnis tempus. Quamobrem, ne temeritatis accusaretur, Primum ad eos scripsit, quibus ex officio se indicare debere Discessum suum est arbitratus: præterea ad eum virum cujus officia antè perspexerat & fenserat. quas postremas litteras, ut proficilientis animus Lectori magis sit apertus, adjeci; his verbis: *Ita metaris de me ut præterire non possim, quin tibi perscribam institutum meum. Quæ de re coram cum adesset sermocinatus eram, eam perficere in animo est, hoc est, profectiōnem aliquam expedire decrevi. Quod ut facerem rationes me plurimæ impulerunt: non voluptas, quam non modo animus noster, sed etiam fortuna nostra contemnit: non studium lustrandi, quod illis relinquo qui meliora non meditantur: non denique illa quorum causâ vulgò peregrinari solent. aliud consilium nostrum est: quod quidem ita instituemus; ut quàm celeximè opportunissimèque redire possimus. ubi enim potius hæc vita traducatur. quàm in Patria, in qua & pro qua omnes boni, & ætatem, & si res ita fert, animam agere debeamus?*

mus? Hoc te scire volui; partim, ne quid ignarus esses itineris mei; partim, si quid est quod me velle velis, hominem tibi deditissimum reperiās. Vale. xxii. Febr. M. D. XC. Hæc cū curasset, ultimam habuit orationem ad Academicos: ad quos de ratione Discessus sui, De Vera utilitate Proficiſcendi, de studiis suis, partim cum voluptate, partim cum dolore aliquorū dixit. Hic quoque Quæſtionē tractavit; *Bello-ne an literis major claritas & gloria contingeret?* conſuſit; Claritatē ex Litteris, verūm ex Armis laudem gloriamque majorem comparari. quod cum ratione exemplisque probaret; inter cetera uſus eſt domeſtico exēplo Leidenſis Conſulis P. Adriani, quem propter heroicam virtutē plurimi ſemper fecit: cujus immortalem gloriam, ſcribentium claritate omniumque Doctorum voluminibus longē præſtantiorem eſſe prædicabat. Poſtremó ſingulos ordines Auditorum ſalutans, iſdem Academia PATRIÆQUE PATREM PRINCIPEM AVRIACVM ante oculos poſuit, ejuſque virtutem, qua primus inter tot Principes, Ordinum voluntate, Tyrannidi Hiſpanæ ſe objeciſſet, retulit & illuſtravit. tandem operam ſtudiūque ſuū (modó vita ſuper'eſſet) Academia omnibuſque eſt pollicitus. precatuſque ut unusquiſque ita ſe in ſtudiis gereret, ut de Patria communique ſalute quā optimē mereatur. Ingrediendum nunc iter erat. Ego me illi, ex voluntate maximē matris, in itinere conjunxi. maluit ſollicita mater utriuſque carere præſentiā, quam alterum ignota in regione ſolum vitam trahere. Hoc priuſquā ſibi iter ſuſciperet, duo propoſuit: primū ut nihil tentaret agerētve, quod cura aliqua aut induſtria elaboratum editūmque videretur; omnia ſua in ingenii promptitudine collocans. Alterum, nihil ut aggredereſſet, quod non

apertē

aperté vel clam ad Patriæ Libertatis defensionem, contra hostes potentiores, pertineret; hoc ipso magnum excellentemque animum suum significans. Die jam ventisque expectatis, accincti itineri stamus; ferro magis quam auro instructi; animo quam fortunâ majores. Hamburgum, Anzeaticam urbem, bis terve reluctantibus ventis rejecti, magnis tandem molestiis pervenimus. hinc Castellæ Heforum; quo in loco coactus est hæere propter cruris inflationem, cujus causâ falsa aqua, qua ejus pedes in terrâ descendere volentis quotidie tingebantur, cum in Vliandiam maris Batavici ostio, ventis longo tempore repugnantibus, subsisteremus. Quadrigis tandem, ut ex pede laborans, Francofordiam vectus est, nundinis Vernalibus. Inde Heidelbergam progressi, dies circiter quatuordecim acquievimus. Hic consensu Senatus Academici orationem dixit, cujus argumentum erat: *De ea quod maximè est ex Hominis Dignitate*, intellexit hoc esse, Defendere Patriæ Libertatem: pro cujus Libertatis Defensione antiquum illud Germanorum, Principumque Palatinorum studium exposuit: testaturque est, nunquam magis esse vigilandum pro Libertate, quam hoc tempore, quo Libertatitiam multæ insidiæ struntur ab eo cujus Ambitio & Avaritia insatiabilis esse videtur. Hoc argumentum postera die duabus lectionibus exposuit, adducens verba CÆSARIS, quæ exstant Commentariorum libro VII. Habetur hic Oratio Critognati Arverni pro PATRIÆ LIBERTATE dicentis. in hæc verò quæ sequuntur. lectiones habuit: *Romani quid petunt aliud, aut quid volunt, nisi invidiâ adducti, quos famâ nobiles, potentesque bello cognoverunt, horum in agris civitatibusque considerare, atque his æternam injungere servitutem? neque enim unquam alia conditione bella*
gesse.

gesserunt. Quod si ea quæ in longinquis nationibus geruntur, ignoratis, respicite finitimam Galliam, quæ in provinciam redacta, jure & legibus commutatis, feris securibus subiecta, perpetua premitur servitute. Quos hodierno die per Romanos intelligebat, facile prudentiori conjicere auditori licebat. His peractis Basileam contendimus; venimus; summæque authoritatis virum Basilium Amerbachium tum & Grynæum Theologum salutamus. Orationis dicendæ venia est impetrata. Dicenti apertus locus honestior est. Dixit *De Merito Basiliensium erga Liberas Nationes*. Meritum hoc Basiliensium interpretatus est *Concilium Basiliense*: quod inchoatum An. M. cccc. xxxi. in quo definitum Sess. II. III. XVIII. Quod *Concilium Generale* (referente abbreviatore Conciliorum Caranza Archiepiscopo Toletano) potestatem immediatè à Christo habet, cui quilibet cujuscunque status vel dignitatis, etiam si Papalis existat, obedire tenetur. Ad quod Conciliū sæpe Luterus Germanique Theologi, cum primū tantī Operis, Regni scilicet Christi jacerent fundamenta, provocarunt. Cum hoc igitur Basiliensi Concilio, quo statutum est, *Concilium esse supra Papam*, non solum Ecclesiæ, verū etiam Republicæ oppressæ Papali Tyrannide ad Libertatē suam respiraverint. hic igitur non immeritō de Basiliensium Merito erga Liberas Nationes verba fecit. argumentum loco convenientissimum. Tota vis Imperii Pontificii in hoc capite sita est: quo præciso, Papa nil nisi truncus erit. Hac Oratione Professorum, qui omnes ferè Basilienses, tum nobiliū Gallorum exulum animos sibi devinxerat. nonnulli actioni dicentis nescio quid Periclis attribuebant. Constitutum nobis hīc ad aliquot septimanas subsistere. Ne jam in otio vitam ducere videretur, publicè Orationem Sallustii I. ad Cæsarem

sarem de Republ. ordinanda, agens primùm de laude fructu-
quæ Historiæ, exposuit. Lectiones ejus, orationis speciem
referebant; ad quas nullo ferè labore & præmeditatione
accedebat. Hiç jam rem novam experiri voluit. Cùm jam
lectiones aliquot habuisset, cõstituit sequentis diei Lectio-
ne phrasin flexumque Latinitatis Sallustii, secundâ Livii,
tertiâ Taciti exprimere, quod tentans præstare visus est. sed
illam juvenilem imitationem in se ipso ampliùs non fe-
rens, cõmune loquendi genus est secutus. Basilienses
nunc longo tempore Græcæ Linguae Professore videban-
tur desiderare, nonnulli hunc de hac provincia allocuti:
alii de Eloquentiæ vel Rhetorices professione commu-
tanda, studebant huic multi, maxime Basilius Amerba-
chius; qui hujus animo & lectione se aliquando recreare
visus est. Honorem hujus Professionis modeste recusavit:
mirarique se, dixit, inter Basilienses homini peregrino,
sine ulla amicorum commendatione, tantum tribui. Ve-
netum iter sibi longè antè in Patria præfixisse: hoc confi-
ciendum esse affirmavit. Indicavit paulo pòst fortunæ re-
rumque suarum statum; quæ adjumentum vel solatiũ ali-
quod itineris desiderabant: quod & donatũ. Hæseramus
Basileæ septimanas sex, quibus præter superiores labores,
egregiam posuit operam in Julio Cæsare, cujus non solum
Commentarios, sed cujus etiam Vitam à Græcis Latinisque
scriptam pernoverat. erat autem hæc opera: Cùm perspi-
ceret, suo doctissimorumque virorum iudicio, corru-
ptum, mutilatumque admodum esse Cæsarem; cõ se con-
tulit, ut non solum Collatione locorum Commentariis
comprehensorum, sed etiam ipsius Cæsarei Animi cum
ipso Collatione, Cæsarem multis in locis emendaret &

restitueret. quod & se fecisse existimaverat. Forte nemo eo rectius sine subsidio librorum, tum etiam felicius hoc potuisset. nam verba, verborumque tum Phrasium formulas, flexus moderationesque syllabarum, si quisquam alius, hic tenebat: &, quod majus est, nescio quem spiritum animamque Cæsaris fingeat, cui etiam verba ejusdem convenire volebat: quò locum haberet illud authoris, puto Quinctiliani: Cæsarem scilicet eo animo scripsisse, quo bellasset. Ostentabat hic se é novo militaris animus. frequentabant hanc urbem Gallicæ militiæ duces: aderat & Gallicarum rerum procurator, cui notus & gratus. Sed Itineri Veneto insistendum erat. Gratias igitur ante alios egit Basilio Amerbachio, cujus humanitatē liberalitatēque eximiam fuerat expertus; petiitque ut hominis peregrini, viatoris, & sine ulla Bibliotheca, lectiones boni consuleret. Amerbachius statim hunc *Bibliothecam vivam* pronunciavit. ex quo videre licet quàm ingens thesaurus sit Memoria. Basileam relinquentes; Tigurum venimus, primariam Helvetiorum civitatē: D. Joanni Guillelmo Stuckio, viro optimo, bene precamur. De facultate habendæ orationis hic loquitur. quod novum hoc in loco visum fuit. Collegio placuit certis de causis non habendâ. Intellexerat hic inter cetera, præter loci morem esse. Iterum jam accedens Stuckium, valde extulit Helvetios, dicens; Helvetiorum animos cum suo optimè convenire: quod & argumentum Orationis maximè confirmasset. erat autè hoc: *De Laudibus Helvetiorum antiquos patriosque mores ante alias Nationes tuentium.* Quod læto vultu excipiens Stuckius, Vtinam, inquit (simili ferè sententia) numquam à patriis moribus deflecteremus; omnia tum se constantius in Repub. habe-

haberent! Venetias nos contendere diximus, proficisci que Curiam, quæ Rhetorum metropolis est. Circa hoc tempus sollenni more, Curia Rheticarum Ecclesiarum Synodus cogeatur: in qua & amici Stuckii, inter quos, ut putabat, Scipio Lentulus adesset, cui per nos scripserat. Curia I. Pontisellam convenimus: eruditionem humanitatemque viri miramur. Multi hoc iter nostrum Venetum eo anni tempore non probabant. nam per magnos æstus An. xc. Alpes superandæ erant. verum animo corporèque valentes nullus deterrebat labor. Inter labores & discrimina sua etiam fuere solatia. erat enim ad manus Iustini Historici Epitome, cujus lectione jam desidentes etiam animum collegeramus. Legimus inter alios, lib. III. in quo de Rebus Siculis tractatur: qui liber nobis occasionem dederat pluribus in via loquendi de SICILIA, Bellis Siculis eorumque causis. Multa hic ex Virgilio, Ciceronis Verriinis, Livio & Thucydide in medium producebat: neque unius diei sermo noster erat de Rebus Siculis. Ad Clavennas descendimus, quæ quodammodo Lacui Lario sive Comensi adjacent, tum viam quoque ad Vallem Telinam aperiunt. hoc in loco pastorem agebat grandævus, venerandus, exercitatusque vir Scipio Lentulus Neapolitanus, religiosus quondam magni illius Theologi discipulus: Huic Stuckii litteræ redditæ: in quibus & scriptum, ut viam ad Venetos nos doceret. qui percipiens nos esse Belgas, cōsq. liberos, hoc est, Hispanum non agnoscentes imperium, consuluit ut tractus regionis Mediolanensis declinarem, Vallemque Telinam teneremus. quæ via nobis, animi factique nostri probè conscis, si cuiquam, erat eligenda. Vallem igitur Rhetorum fertilissimam amantissimamque

perluſtramus. Hic iterum de Sicilia fuit inſtitutus ſermo: de ſitu, antiquitate, fertilitate, hominum fructuumque natura, ſoli cælique clementia, Ducum Doctórumque frequentia, multis variſſque bellis propter Inſulæ imperium geſtis, poſtremo de CUPIDITATE DOMINANDI contulimus. Ita enim veteres iudicarunt, ut omnes, qui Siciliam poteſtatis ſuæ facere contendebant, ambitione incenſi Imperium quoddam affectarent: ad quam regnandi ambitione exſtinguendam omnes vicinæ gentes Græciæque tota concurrere ſolebat. neque injuriâ, tutiſſima Inſula ſedes belli in Africam, Europam, Græciam Italiâque in primis ducendi. Diſputatum & hic fuit de præſenti Siciliæ Tyranno, ejusque potentiâ. Expoſita hæc quodammodo noſtris erat oculis Inſubria illa, quæ quaſi altera Sicilia ſive Helena, propter quam tot bella geſta ſunt, quot propter ullam regionem umquam meminimus. hanc utramque Helenam ſingulari arte compreſſit: oppreſſam conſtrictamque tenet libidinoſus Hiſpanus. Atque ita pluribus de CUPIDITATE DOMINANDI locuti ſumus hac in Valle: quæ, ut Italiæ vicina, plurimos Italos, Religionis cauſſâ exſules, excipit atque recondit. ſunt hic ex mediâ Italiâ viri pietate, eloquentiâ & doctrinâ præcellentes: inter quos, præter ſuperiorem illum Scipionem, eſt & Scipio Calandrinus Lucenſis, quorû ductu & ope iter nobis fuit expeditius: eſt & hic Octavianus Meier, toto illo tractu clariſſimus; qui Chriſti oves, Romano Lupo ereptas, in Valle hac viridi, lætâ conſcientiâ, ſalutari Dei Verbo paſcit. Harum Rheticarum Eccleſiarum ſtatu mirum, in modum animi noſtri fuere exhilarati. Pergimus in Ditione Venetorum: Brixiam, Veronam, Vincentiam, Patavium & tandem ad metam.

metam laborum VENETIAS pervenimus. Hic Rhodus, hic saltus. Venit, vidit, salutavit Venetias. Peregrini eramus: quibus, ut ille, contingit, ut multa habeant hospitia, amicitias nullas. Qui in Repub. splendore litterarum insignes essent, hic cupit cognoscere. Responsum á nonnullis; Pristinam illam Litterarum dignitatem quasi jacere, non Venetiis solum sed per totam Italiam. quod & nobis visum fuit. Italiam ab ITALIA illa differre multum putavimus. Tandem oblati Laurentius Massa, qui Academiis Patavinæ & Venetæ, tum Summo etiam, ut fallor, Senatui, á secretis erat: vir gravis & egregie doctus: quem studiis sententiæque nostræ responsurum credebamus. Cum ipso locutus, ejusdemque opera illustrissimos Academicarum Curatores accessit; petiitque ut jus dicendæ orationis sibi publicè concederetur. Quod petiit concessum est. Interrogavit (nova res) quo de argumento, audirent libentius, DE MAGNANIMITATE NE, quæ virtus quodammodo propria ipsis Venetis; AN DE ARTIBVS ROMANORVM IN IMPERIO ACQVIRENDO? AN, quæ res, hæc verba sunt, paulo gravior videtur, de ORTV & OCCASV MAXIMORVM IMPERIORVM? Hic Viri illi, aderant & plures, totum novi hominis corpus lustrabant: animi, vocis, corporis ante alios omnes exstantis notabant præstantiam. alii hic alios aspicere, arridere, nescio præterea quæ signa dare. Responsum, præter rationem sibi videri, dicenti aliquid velle præscribere; verum ex argumentis, quod vellet, eligeret: hac tamen lege, ut Orationem prius scriptam astanti Massæ, qui á secretis erat, traderet. cautè illi. Hæc circa meridiem contingebant: pomeridianum tempus meditationi dispositionique futuræ Orationis.

tribuit. Sequenti die dictavit mihi, & absolvit hanc, quam hic videtis, orationē Venetam, DE ORTV ET OCCASV MAXIMORVM IMPERIORVM; ex tempore quidem meditatam & compositam, sed non ex tempore habitam. nam inter utrūque tempus septimanæ aliquot interces-
serant. Probata quidem fuerat Oratio: sed Orationem dicturi animum, tempus differentes, explorare pernoscerēque velle videbantur. Suspiciones hic nobis aliquæ, verūm non ita graves. Venetis veró longé graviores, ut postea collegimus, obortæ. Salutarat interea Principem Venetiarum Paschalem Ciconiam, qui erga doctos benēque de Republ. sentientes se propensum indicabat. Isto etiā temporis intervallo, ad Massam tamquam hominem privatum, Carmen quoddā satis longum scripserat, quo patriam, iter, studium, fortunam condicionēque suam liberius exponebat: in quo & hos versus in Hispanum, de patria agens, posuerat:

*Fortunata nimis si numquam bella fuissent,
Aut impacatos numquam sensisset Iberos.
Ach patria infelix! nunc Libertatis honore,
Nunc spoliata jaces; dominos dignata superbos?
sic & infra: — hinc lævos carpinus agros,
Et Mediolani fundatus sanguine sedes,
Omnibus invisus quæ regna tenebat Iberos,
Linquimus, ac vallem libuit lustrare Telinam.*

Quod hic se Guillelmum Campanum Belgam appellaverit; duabus de causis acciderat: prima, ut Latino siue Italico vocabulo cognomē Germanicum elegantius decentiusque denotaretur apud Italos: altera erat, & hæc præcipua, Nefortē familiæ nomen VERHEIDEN molestiam quam-

quamdam pareret apud Pontificios Hispanosque adversarios. edita siquidem Oratio illa, in qua nec Hispano, nec Pontifici pepercerat. Expectabat indies Orationem dicendi tempus: & ne interea otiosus videretur, Novum Testamentum Græcè minutissimis typis circumlatum summo animi ardore legebat, attentusque singula observabat. Præterea nobilissimū illum Tractatum Polybii DE CASTRA METATIONE ROMANORVM (quem in Batavia Iano Lascare interprete Latinè memoriæ mandarat) nunc Græcè sibi paratum, tamquam imperator aliquis jam jam cum hoste congressurus, triduo memoriæ thesauro reposuit. Habita tandem Oratio est. Postridie significatum nobis à Belg-Italo, id est, ab eo qui longo tempore in Italia vixerat, vidisse se Carmen illud ad Massam in Officina typographicâ, quæsitumque à se, num nos novisset, verum astu an sincero animo hoc nobis significarit, nescimus. Hic aliqua occuparat animum nostrum suspicio. Postea cum Massa egimus, cujus operâ spes aliqua rebus nostris daretur. Sermo varius. hic interrogatus inter cetera, Num notitiam aliquam haberet cum Oratore Gallico, respondit, Vix illum de facie novisse. Felicem diem Massæ precati discessimus. Quid plura? Hac postrema interrogatione, quæ est de notitia Legati Gallici, intelligere cepimus, altas nobisque graves foveri suspiciones. Quorsum impressionem Carminis urgebant, vel imprimere se velle simulabant, visi sumus (sed tacitè apud nos) colligere. nam dicentis Orationē animus versibus antea citatis jã ex parte constare vibebatur. Oratio enim, ut animadvertere Lector poterit, omnibus in locis, sine ullius, nisi in genere malorū, læsione, legi potest. Altiores fortè suspiciones illorum.

verum

verum ab ea re hic aberat longissimè. nam Marte, arte animoque suo, qui magnus erat, rem omnem aggressus fuerat. Paucis: Legatum Hispanum etiam summè metuebamus. Iam colloquia multorum, ex circumstantiis variis, non sine arte aliqua nobiscum fuisse instituta, nobis persuaseramus. Quid? timor ingens nos invaserat: Amplissima illa VENETIARVM urbs, valde angusta jà nobis visa fuerat: inter editissimas Alpes, harumque ingentes minas & præcipitia magis cordi erat versari, quàm inter tot excelsa magnificaque ædificia, exstructos superbosque altis columnis porticus. Verum vespertinum tempus amicasque nobis tenebras expectabamus: Belgarum quorundam curâ & adjumento, tum tenebrarum beneficio, Urbem reliquimus; magnisque itineribus in agrum Tridentinum contendimus. hinc per Tyrollensem agrum, Curiam nobis notam pervenimus. Cùm jam metu omni liberatus esset, dixit: *Licet molestum hoc fuerit iter; bene tamen se res habet: præstiti quod olim in patria volui & unicè optavi: Salutavi Venetos, tum oratione me illisque digna sum allocutus: Animi exercitium hoc esse iter putavit. Licet adversa essent plurima; animum tamen fortem gessit & invictum: nullaque de virtute ipsum dicentem audivi sæpius, quàm de MAGNANIMITATE: Non semel ipsum recitantem percepi ea quæ Hermolaus Barbarus in IIII. lib. Ethicor. Aristotelis de hac virtute scripsit: quem locum propter elegantiam rei quæ præstantiâ, his addere placuit: ita BARBARVS: MAGNANIMITAS circa magnos versatur & excellentes honores, utpote circa eam rem, quæ bona fortune reliqua & præstantia, & dignitate, & clarorum hominum opinione antecedit. His autem honoribus, quos vir magnanimus appetit, etiam dignissimum esse oportet.*

tet. Quare optimus quoque sit est necesse. Nam si maximis hono-
 ribus se dignum recte putat, maximis verò nulli majores esse possunt;
 erit ut etiam sit virtutibus omnibus præditus, & quod sequens est,
 optimus. Alioquin majoribus dignus is esset, qui pluribus virtutibus
 esset illustratus. Honores itaque maximos ita suscipiet, ut minores ta-
 men esse meritis suis atq. impares arbitretur. exiguos aspernabitur.
 Sane eodè pacto circa divitiarum despicientiam erit affectus: utraq. for-
 tunâ moderatè & sapienter feret, pericula adibit permaxima, vitæ
 non parceret, invitus & cum pudore beneficio afficietur, magnus inter
 magnos, cum reliquo genere modestissimus haberi & esse volet: matu-
 rus præterea, gravis, apertus, verax, liber, ab assentionibus ab-
 borrentissimus: nullius rei admirator, immemor injuriarum: parcus,
 rarusque laudator, numquam maledicus, incessu item lento, & voce
 gravi, sermone constanti. Præclara illustrium Ducum facta
 lumina voluptate referebat: Homericos Virgilianosque
 duces, tum Populi Rom. studia & artes inter montium
 minas viarumque præcipitia & anfractus, ruentiumque
 aquarum fragores, resultantibus aëre vocibus decantabat.
 Id sibi deesse, in quo sua virtus se ostendere posset, conque-
 rebatur. cō enim, ut existimabat, facile impenditur labor,
 unde honos, nomen, imperiumque aliquod speratur. Hic
 valde eorum hominum detestabatur inertiam, qui cum
 laude digna agendi occasionem haberent imperioque va-
 lerent, nullum virtutis documentum publicè dedissent.
 Altæ erant hæ cogitationes: sed ad altiores mox evecti fui-
 mus. de rebus siquidē Cælestibus & Divinis egimus: qui-
 bus, quotiescunque de his sermo, ejus animus non medio-
 critèr capiebatur. Hic iterum bonum Concionatorem,
 tum bonum Imperatorem omnibus quacunque digni-
 tate præcellentibus præposuit. Nihil jam ita optandum

quàm tutâ aliqua corporis quies. Quocirca Heidelbergam, ut tutam commodamque stationem, elegimus; eoque, primùm amicos in reversione salutantes, convolvamus. Tigurini, quod in accessu non ita concedebant, jam sponte in reditu videntur proponere. sed hic, non solum quid Tigurinīs sed etiam quid sibi conveniret respiciens, se excusavit. postque variis de rebus habita colloquia, imprimis cum Stuckio viro liberalissimo & Gabriele Gerbelio Lucernatē Verbi Dei pastore, qui Romæ longo tempore inter Sophistas vixerat, Muretumque, de quo sermo plurimus, horrendam illam Parisiensem eadem adulatoria illa voce prædicantem audierat. Latī hinc, discedentes. Basileam pervenimus. Amicis rem gestam exposuit, iisque bene precatus, Argentinam venimus. hic Martinum Lobetium & Georgium Obrechtum salutamus; hunc quidem Amerbachii, illum vero Grynæi nomine. hic vitæ experientia clarus & scientiâ politicâ præstans erat: qui de Itinere hujus Veneto sententiam suam prudenter ferebat, eandemque exemplis firmabat: paucis, reducis tandem nobis non semel gratulabatur, ille Iurisperitus clarissimus & professor, qui quantum ex sermone & scriptis coniecimus, Ius Civile non opinionibus pragmaticorumq. argutiis & variis limitationibus, sed ipsis Iuris Authorum sententiis certisque principiis tradebat & demonstrabat. ejus prudens de rebus nonnullis judicium intelleximus, tum re præsentem favorem sensimus. Heidelbergam demum venimus. quo in loco apud socios qui nobis benecuniebant, per totam fere hiemem subsedimus. quo tempore hæc duo potissimum studuit, videlicet, ut Theologia tum Linguae Italicae certam haberet cognitionem. Ad

hoc primum exigebat Dispositionem quandam Locorum
 Communium, siue Partitiones Theologicas. mox Shonii
 tum & Amandi Polani Partitiones administratae fuere. hu-
 jus ita ipsi placuere, & quidē iurāt, bidui spatio, easdem
 fideliter sine libro reddiderit. Biblia, tum Calvinī Institu-
 tiones, verē divinum & æternum opus, amplexus est, dili-
 gentissimēque legit. In Novo Testamento, Italicē versō,
 se exercebat; sic & in Aulico Baltazaris Castilionci. quem
 virum propter eruditionem & decorum quod passim in
 libro perpexit, non semel commendabat. Remeandū jam
 erat in Patriam Belgium. Priusquam tamen hoc iter susci-
 peret, Hanc Quæstionem, iurē nē, an injuriā C. Cæsar in-
 terfectus, tractare statuerat; verū loci circumstantiam
 perpendens diligentius, ab incepto destitit. Heidelbergā
 tandem nostrorum operā in Hollandiam, elapso jam anni
 spatio ex præfinita animis nostris sententia, salvi reveni-
 mus. Iter hoc Venetum, quod totum pedibus emensi fue-
 ramus, gravissimum periculosissimūque fuit. & sanē si
 hujus animum, labores, fortunam, & quod amplius est,
 in inopia vitæ honestatem intuearis; erit quo magis glo-
 riari possit, quā illi, qui hodie prædandi fortē vel lustran-
 di studio, ambitiosē totum terrarum Orbem circumnavi-
 garunt. Ex Hollandia, postquam se collegisset, in An-
 gliam solus trajecit: qui jam solvens, dixerat; Confecto
 hoc paucarum septimanarum itinere, jacienda sunt rerum
 mearum fundamenta: rem Militarem putans. Causa Bri-
 tannicæ profectionis duplex: una, ut gentem illam tam vi-
 cinam tamque nobis conjunctam, fædere bellique studiis
 adversus Hispanum, publicæ Libertatis hostem, ita devin-
 ctam, ipse oculis suis videret; & si res admitteret, cele-

berrimam Oxoniensem Academiam oratione salutaret. Altera, ut, si quid earum rerum, propter quas inter mortales magnum certamen est, honeste offerretur, non adeo recusaret. Cum ad septimianas aliquot in Britannia versatus esset, Londino ad me scripsit litteras, quarum hæc pars præcipua habetur: Noli expectare in posterum dum scribam. nam primo quoque tempore ad vos, ubi, Deo adjuvante, materiam virtutis habebo, redire constitui: idq. compluribus de causis. quoties enim video mollitiam temporum nostrorum, toties ingenti ad institutum vite meae persequendum cupiditate exardeo. nihil enim non modo publicius, verum etiam accomodatius reperiri nature meae potest, quam si id, quod & animo mihi semper proposui, & sepiissime sermone atque adeo Oratione testatus, quam possim celerrime præstem. nam etiam si hic omne florentissima ætatis meae tempus consumam, quid tandem aliquando profecturus sum non video. Post aliquam multos, quam huc appuleram, dies profectus sum Oxonium: quam in civitate vel potius Academia (vides enim quandam quasi rempublicam Philosophorum) complures dies vixi, non voluntate mea commoratus, sed incredibili quorundam humanitate detentus. habueram enim præelectionem orationis in modum ex C. Caesaris Comment. lib. IIII. de bello Gall. in hæc verba: Exiguâ parte æstatis reliquâ, Caesar, et si iis in locis, quod omnis Gallia ad Septentrionem vergit, maturæ sunt hiemes, tamen in Britanniam proficisci contendit, quod omnibus ferè Gallicis bellis hostibus nostris inde subministrata auxilia intelligebat. Argumentum orationis non solum ipsius animo & studio, verum etiam Britannis longè convenientissimum. nam nactus hic locum liberè dicendi in Hispanum, omnium gentium Libertatis insidiatorem, Britannia verò hostem apertissimum, ita dixit, ut hæc Oratio non longè sententiâ abesset ab ea quam ad Reginâ scripsit in CLASSEM XERXIS.

HISPANI. In hac causæ factique Cæsaris & Hispani instituta comparatio. ita in illa, post alias causas, legitur: *Verum excitat te quantum conjectura augurari possum C. Cæsaris factum illius, Qui cum Bello Gallico Belgis subministrata à Britannis auxilia intellexisset, infestis derepente signis trajecit, Insulâ invasit, direptam miserè atq. afflictâ ad arbitrium suum penè totam revocavit. Præclarum facinus, ut pleraque omnia Romanorum: quos non vis, non injuria hostium, non pax, non societas, violata; sed Ambitio, sed Avaritia, sed immoderata regnandi Cupido ad arma stimulet. Hic igitur te, ut opinor, Cæsar majori Cupiditate dominandi incensum, eandem occasionem eisdemque hostes natum ad simile factum provocavit. Sed quid hæc ego? Quasi verò non S. Fœdus; non Religio Romana, non venerandus Pontifex ille tuus isto te dicto, quo Cuncta tibi Hæreticorum Regna donavit, satis adversus inimicam Romanæ servituti Britanniam armaret. Quamquam ego quidem interpretari non queo, utrum magis, ut acerrimus Christianæ Religionis hostis, Regionem sibi adversam delere, an, ut Petri Piscatoris imitator, propter abundantem illius Insulæ piscationem recuperare cõtendat. Iterû alio in loco: Si C. Cæsar semel atque iterû, ex eodẽ Itio portu, transmissione factâ, asperrimâ jam tû belli studio Insulâ felicissimè, ut illè ferè omnia, devicit; quid erat causæ, cum illius factû imitaretur Philippus, cur non ejusdẽ sibi fatû speraret? In illa Cæsaris verba magnâ in frequentia Oxonii dixit; adeo ut antiquiores illi, qui longo tempore in Academia defederant, auditorû multitudinẽ mirati fuerint. nam argumentû Orationis, valdè novum his verbis, si rectè memini, publicè affixum: De Causis Iulii Cæsaris transferendi Belli in Britannia dicturus est Guillelmus Verbeiden Belga. Humanissimè à præcipui nominis viris hic fuit exceptus, quorum amicitia diutius quàm putarat detinebatur. Instabant nonnulli ut aliud quippiam publicè*

proponeret. verum impetrare non potuerunt. quia hoc sibi in Angliam proficilcens p̄finitum habebat, ut unam tantum Orationem sibi studiūque futuris respondentem haberet. iudicavit, ut ex ore ipsius percepi, Præter decorum esse, hominem militaris animi in umbra & scholis plura verba facere. Londinum tandem revertitur. Occasionem sibi dari oportet alloquendi Reginam. oportuna sane oblata occasio est. siquidem Londini erat minoris alicujus Principis Legatus, cujus hic nomine Reginam alloquitur, Latine exponens ea quæ a Legato acceperat. Legatus quod sibi impositum fuerat, hoc facile ex sententia sua consequitur. Prospera Legati expeditio: qui agnoscens fidam præsentemque huius in exponenda Principis sui sententia operam, liberalitatis minimè oblitus est. verum hic accipere recusavit quod oblatum erat sæpius: ut is qui donando magis quam accipiendo nomen sibi comparare studebat. Insulam relinquens in vicinam Zelandiam pervenit: ex hac ad proximam civitatem Bergopzomium, in qua statuerat rerum suarum uti dixerat, jacere fundamenta. Iter hoc Britannicum magni nobis constitit. profusior semper fuit quam sinebant facultates. Bergopzomium duplici de causa sibi hic Tyro, tamquam optimam rei militaris scholam, elegit: primùm quia civitas hæc exposita Brabantiae est, easque regiones respicit, in quibus hostis vires inter se conjunctas habet. ita ut hunc locum eum esse in quo sæpe cum hoste manus essent conferendæ judicaverit: Deinde hac in civitate popularis noster agebat Gerlacus Pyrlingius, qui sæpius in patria consulatum gesserat, vir rerum experientiā & dexteritate insignis: qui mirum in modum hujus ingenio & litterarum studiū delectabatur.

Apud

Apud hunc ut gratissimus hospes divertit. mox animum suum indicat. Obstupefactus Pyrlingius, hanc ejus sententiā omni conatu studet evertere; sed frustra. nec meum, nec aliorum studium, ante hoc etiam tempus, quicquam valuit. Indies magis animus bellō æstuabat. Deliberat jã, Eques ne, an pedes primū Martem salutaret. Pedes hic voluit. existimans, Coporis animique virtutem in pedite magis elucere posse quam in equite: utens hac in re pluribus argumentis. Verū aliorum sententiæ acquiescens, eques primū militiæ nomen dedit; honestoque apud Præfectum Equitum loco, quo dignus erat Romanus hic Tyro, est habitus. Anno jam sequenti Vexillarius Peditum creatur. Res hinc admodum nova ad aures meas de ipso perlata est, quæ graviter animum meum concussit; videlicet; Ipsum poculis iræque indulgere. Subiratus hinc ego, binis eundem litteris petens, objurgavi, comminatusque sum. Hic ita responsum dedit: Post discessum abs te meum binas à te litteras accepi eodem exemplo; unas Bergis, alteras Dordraci datās. quæ licet scriptæ essent mei sive admonendi sive reprehendendi causā, tamen multo gratissimæ fuerunt. propterea quod fraternum erga me amorē declarant, & instituto meo accuratè respondent. nam & optas tu, & ego quā maximè laboro ut aliquando non sine honore vixisse videamur. id quod video posse perfici, videlicet si non modo fortitudinem in bello, verū etiā omni tempore, omnibus in rebus, erga omnes æquitatem temperantiāque colamus. Quapropter operam navabo & omne genus vitii etiam levissimi, atque adeo suspicionē cavebo. nā, ut tu verissimè scribis, quod in aliis peccatū perobscure cerni potest, id in me clarissimè conspicitur. Quod superest: id mihi unice propositū,

-2: 3 up 22: 6 in 60 min

Cura ut valeas. In presidio, quarto lun. M. D. XCIV. Post illud!

illud tempus sibi magis temperavit: tum ipse sæpius inquisivi, paucis antè mensibus, pro Patria postquam vixisset, Num virtuti munerique suo isto vitæ genere ullo modo obfuisset? responsum, sanctèque affirmatum, non obfuisse. Cùm nunc nostri Grollas obliderent, paullo pòst Noviomagium venit, secundo flumine cum cohorte in Zelandiam remeans: qua in urbe paucis tantùm horis apud me fuit. post quod paucarū horarum tempus ego ipsum non vidi ampliùs. Hujus tum temporis dicta atque facta hæc notavi. Cùm corpus parum curasset, itinerique accinctus esset, ad Bibliothecam meam se proripiebat, nonnullos aucthores suos oculis recognoscens, nonnullos etiam à me exigens. Fortè Orationem suam ad Reginam sibi expositā corripuit: quam aperiens, incidit in hunc locum in quo de Natura & studio Hispanorum agitur. quem paullo altius ex Oratione ut repetā, res me monet, & Lectoris, ut scio, animus. Ita in loco in quo de Hispani potentia & Natura: *Verumtamen dicas, Incerta, fluxa, caduca esse omnia; Non fore diuturnā possessionem, in quam vi se ferroque induxerit. certè cum enim omnes omnino homines naturā Libertatis amantes sunt, tum illi tolerare Servitutem difficillimè possunt, qui dukedinem degustare Libertatis potuerunt. Itaque sapissimè Pæni, nonnunquam Græci, frequenter Galli, maximè vero Hispani (vellem hoc odium Servitutis omnibus inesse nobis putarent) gravissima cum populo Romano & periculosissima bella renovarunt. Ergo id accidit Romanis, Hispanis non continget? nec contigit nec etiam dum contingit. An igitur prudentiores, an fortiores Romani? Hispani? Id verò non ausim confiteri sed Ne malè parva malè dilabantur, minus benignos, avariores se præbent. & quod diffiteri nemo potest (in hæc quæ sequuntur inciderat) Hispani ut ambitiosi naturā sunt & avari,*

ita plerumque impigerrimi habentur: In consilio prudentes; in negotio celeres; contemnentes periculi, patientes laboris; in victoria superbi; in calamitate pertinaces: secundam fortunam magis sperare quam metuunt adversam: majori sibi molestia desidiosum otium esse, quam negotium laboriosum putant: nunquam nec ipsi quiescunt, nec aliis quietem concedunt. eo denique ingenio sunt, ut imperium vehementer acquirant; acquisitum, quoquo modo possint, defendant. Hæc cum de Hispani Natura & Studio legisset, dixit: Ita profecto se res habet: Vinam hi, quorum res agitur (Orbis Principes intelligens) hæc considerarent. Interrogatus à me, Num hanc Orationem ante sexennium anno aetatis suæ x x. editam, hodie verbis sententiisque edere posset emendationem? Respondit Editionis se nunquam pœnituisse; verum si jam edenda esset, ut fortè omnibus antea, sic jam maxime viris placeret. Discessimus, atque ad fluminis ripam descendimus. Rogavi hic, An ne Militiæ tadium aliquod ipsum caperet? Sane aliquod, dixit, Si locus altior vel imperium aliud mihi non assignaretur. In Litteris facilius hujus adscensus quam hic in bello fuerat. In illis ingenio & labore ad summa pervenerat: in bello autem, licet animo scientiaque valeret, parum ingenium & labor proficere poterant. quippe auctoritas & imperium deerat, cui tam optimus quam pessimus cedere & parere tenetur. Et jam, annos duos erat Signifer is qui altiori gradu dignus à bonis judicatus fuerat. Hoc in munere, invidia etiam quorum iam superiorum & ignavorum, cum laude se gessit, militibusque multis de causis gratissimus fuit. Huic in ripa stanti suosque in flumine observanti, non frustra cavere visus sum. consului enim ut animum in milites suos ita benignum temperaret, illa ratione sæpe contigisse, ut is qui militibus ita esset gra-

tus, tandem Superiori esset ingratus & odiosus. Hæc verba subridens excepit, nec quidquam respondit. Profecto hic subridens habitus, hoc silentium altius quidem, quam quis putasset, animo meo inhærebat & jam nunc inhæret. Venit demum in Zelandiam, isque jam habitus qui loco Ducis sive Loci tenens, ut vocant, esset: quo in munere nescio qua fallaci spe & malâ arte avari ignavique cujusdam detineri videbatur: secus, uti ego sentio (modò favor virtuti accessisset) ad imperium aliquod longè antè pervenisset. Jam cum Hispanus hostis se ad obsidendum Calertum, ad fauces maris Britannici situm, callidè accingeret; ipse urbem versus cum aliis signis contendit: verum nostri, qui subsidiarii essent, portis fuere prohibiti. Tandem Hulstium, Flandriæ oppidum Zelandiæ vicinum, tenuit. Capto, præter expectationem usitato & quasi fatali strategemate, Calerto, hostis castra Hulstium versus movet: cujus agrum priusquam invadere posset, cogeatur superare canalè, qui maris æstui, pro naturâ loci latè vicina loca inundabat. Erant in agro hoc excitata quædam propugnacula, ad quæ, ex more sub vesperum, custodiæ causâ, duo signa Hulsto progrediebantur: quibus præceptum ab imperatore, ut, si hostis canalèm transire agrumque invadere tentaret, eundem omni studio rejicerent. Hic cum paullo antè arcu, animi causâ, cum sociis certasset, & suos, ut alter, signo dato, ad vicina Hulsto propugnacula eduxit, eoque, quæ ex officio debebat, procuravit. Sole jam occidente, erati vimineæ sive militari sub aperto cælo incumbens, parum quiescere statuerat. Verum undecimam inter & duodecimam noctis horam ad levissimum strepitum excitatus, accepit hostem velle trajicere canalèm. Hic

cum Duce suo militibusque plurimis ex propugnaculo, á magna Rapa nomen habenti, ad alterum á parva Rapa dictum devenit. Hoc in loco Dux ipsi aliquot, non ita multos, bombardarios sive ferentarios adjunxit, jussitque ut in hoste pugnaret: se veró (qui cum multitudine armata sub parva Rapa ad aggeré stabat) ipsi subsidio fore. Ecce, Guilelmus, quo nemo ad pugnam in hostem promptior, ad limum, quē canalis volverat, & in quo hostes omnibus armis & conatū oppugnandi opprimendique fuissent, convolat. Limus hic, æstu já maris reciproco, longius aliquod agri spatium complectitur: deinde profundus, & armato homini hunc calcanti permolestus est. Hoc in limo (loco ad hostem coërcendum opportuno) noster in hostem denso & conglobato agmine procedentem irruens, armis obruitur: vitamque lento hoc in pulvere ponens, quo & obrutus, PRO PATRIA fortissimé mortem, illo in loco, primus omnium & solus, oppetiit. ceteri, ex quibus nonnulli vulnerati, ad suos postea pervenere. Hæc sub horam noctis XII. contingere: quo tempore jam aderant Kalendæ illæ quæ á Julio Cæsare dictæ. cujus Commentarios jam mortuus etiá peries se habuit. Hostes, qui numero circiter ducenti, egregii & electi, duplici confertóq agmine progredientes, altissimos clamores tollunt: tympana, quæ plurima erant, pulsant: aridum janí obtinentes, nostros ad aggeré in subsidiis scilicet stantes, ad munitiora loca fugant: parvámq. Rapam, aut metu, aut imprudehtiá, quæ metus vulgó comes est, desertá nullo labore inuadunt. Procedēte nunc aurorá, aliquo numero ex oppido nostri ruunt: manus cū hoste confertę: acriter fuit dimicatū: utrinque multi interfecti, capti desideratiq; fuere. sed hostes, qui jam

numero, tum, ut videbatur, necessitate, fortè etiam animis, superiores exstiterunt, seseque ad Mouriscansii expugnationem omnibus viribus converterunt.

Hic est finis vitæ GUILLELMI VERHEIDEN: qui pro PATRIA (cui se etiam puer dicavit, adolescens publice devovit, & sacramento demū obstrinxit) & objectus & obiciens se hostibus, magno animo occubuit; annos cum vixisset xxvii. Luget & laudat hunc Patria, viri boni omnes qui noverunt, tum qui famâ aliquid de ipsius virtute & animo acceperunt: excepto uno Lepore Galeato, qui huic Thymoleonti jâ mortuo insultare non erubuit: qui, licet, non dico semel, sed sæpius fugisset, non tamen postremo pugnavit. Fateor tamen huius, ejus vitam descriptissimus, virtutibus quædam vitia fuisse adversa: verum inter hæc sunt quæ apud quosdam laudi magis quàm dedecori vertentur. Cum in omnibus satis esset facilis, iracundior tamen visus quotiescunque videret qui ignavia vitio præclarè agendi occasionem non curarent: aut in id non incumberent, quo se virtute ante alios aliquando extollerent, per superbiam interea omnem ætatem agentes. Hæc ira licet proficiscatur ab alto & ad virtutem erecto animo; tamen contentionis & discriminis non levis huic interdum causa fuit. Inter eos & versari compertus, cum Tyro esset, qui plus potius, quàm natura desiderat, absument. sed admonitus reprehensusque, ut supra scripsimus, se temperavit. Plus virtuti suæ tribuebat quàm tempora admittebat. ut alienus ab omni adulatione, sic nec unius alicujus favorem captabat. existimabat virtutem aliquando suam non ab uno sed ab omnibus esse promovendam. Honestas in eo vitia, tum etiam liberalitas, qua rebus suis

fuis parum prospexit. accepta siquidem expensis non conveniebant: qua ratione factum ut in æs alienum incurrerit. grave quidem hoc, si præsentem ejus fortunam, exilium, patriæ res everfas; leve, si veterē fortunæ statum, promissa magnifica, virtutem, magnum liberalémque animum respicimus. Pro hoc tamen, quantumcunque sit, licet molestum, nos cavimus. Is hic fuit qui non habendi studio, sed dandi, virtutem exserendi, patriam propugnandi animo ad bellum profectus fuerat. Hunc ejus animum bellica laude ardentem nonnulli ipsi bene volentes non ita ferebant. erant inter hos qui magis ipsum bonum. concionatorem quàm imperatorem desiderarent: erant qui togatum magis quàm sagatum, legatum quàm, (ut ita dicam) paludatum aliquando expeterent. hinc optatum fuit ut iis se viris adjungeret, qui Legationis dignitate clari essent, quorum dicta, facta morésque observaret. Hoc, ut arbitror, munere, suo tempore, utilem egregiamque operam præstitisset, magnusque evasisset: nam ut in Oratore, sic & in Reipubl. aut Principis Legato, corporis & animi eximie dotes requiruntur. sit enim sæpe, ut ex Legati persona Gens Regioque tota à qua mittitur apud externos æstimetur. Corpus, animus, eruditio, eloquentia, oris dignitas, vox, memoria, magnanimitas, fides, integritas & continentia insignis erat. Hi, in quibus hæc sunt omnia, per pauci inveniuntur. Sæpe ille de Legati persona & officio diserebat: Summum quiddam esse Reipubl. aut Regis Legatum agere: sed Legato & Togato Patriæ Militem præponebat: qui si ad imperium aliud evectus fuisset, non dubito quin animi virtutisque vires admirabiles magnâ laude & fructu ostendisset.

Iam his ut finem tandem imponam, SENTENTIAS ET
 forsan APÖPHTHEGMATA quædam, ab ipso prolata, addere
 expedit: ex quibus natura, animus, judiciûmque ipsius etiã
 erit manifestum. Interrogatus, quodnam studium omniû
 esset præstantissimum? *Illud quo prodesse possumus quam plu-
 rimis*, respondit. rem Militarem putans. Quod studiû gra-
 vissimum? *Eloquentiæ* dixit. multa animi corporisque dona
 exigit hoc studium. Quid omnium jucundissimum? *Libe-
 ris hominibus juxta Leges imperare*. DEO nos proximé similes
 esse *Vera loquendo, aliisque donando*. Cûm ab amicis intellige-
 ret se Invidos habere; dicere solebat: *Virtuti qui non confidit
 sue, invidet alienæ*. Cûm essent alicujus notæ qui intempe-
 ranter de ipso loquentes, libenter ad jurgia eundem pro-
 vocassent; ait: *Nullum ego inimicum agnosco præter unum Hispani-
 um: huic quàm verus sim adversarius, ipsa tandem ostendet mors*.
 Homines ignavos & magnificè scribentes cûm abjecti
 sordidique animi esse conspiceret; *Cistas Æsopicas, Ranas*
 nominavit: quarum rauca vocalisque vox sive coaxatio
 ignaris facîle persuadet, vastum quoddã illo in loco latere
 animal: cûm sit minimum & vilissimum. Cûm aliquem
 favore alterius non virtute sua magnum videret; eundem
 dixit habere *Vesicam*. nam qui per se natari non possunt,
 vesicis utuntur, quæ inflatæ vento ignarum ignavûmque
 sustinent natatorem. Cûm á magnis viris aliquid geri præ-
 ter honestatem notaret; *HOC ROMANVM NON EST*, inquit.
 Cum amicum alicujus fortunis invidere audiret; *Habeat*,
 inquit, & *ille suum solatium*. intelligens veram felicitatem in
 Virtute rectâq. Conscientia sitam esse. ubi superbas civita-
 tes, structurarum moles operûmq. labores aspiceret; pro-
 nunciare solitus est Sallustii sententiam: *Quæ homines arant,*
navigant

navigant ædificant, VIRTUTI omnia parent. Paupertatem, Vir-
tuti aliquando obstantem, Truncum appellavit: quo alta pe-
tens alata illa Virtus humi sæpe detinetur. Cùm cerneret
domos nonnullorum instructas, tum qui se suppellectile
minimè necessaria jactarent; dixerat: Quam multis ego opus
non habeo? Interrogatus quæ vita laboriosissima morisque
optatissima? Honestà. Quod in Milite maximum judicaret
esse peccatum? Duci non obedire. Milites, tam eos qui justam
causam non intelligerent, quàm qui contra justitià bella-
rent, Homicidas esse judicavit. Amici cùm dicerent, Vitam
Militarem multis periculis esse expositam; ait: Quod necesse
est evenire Cæsari, eveniet, quod Christiano animo usurpans,
Omnia Fato regi, oriri occidereque sensit. Omnes cùm
ferret, Ignavos non tulit. Cùm aliqui ipsius orationes lauda-
rent; Præclarum est, inquit, rectè scribere; præclarius, rectè dicere:
sed omnium præclarissimum, rectè agere. omnis Virtutis laus, uti
sæpius, in actione consistit. Quam virtutē erga homines, quam
erga Deū primā duceret? Ut erga homines Animi magnitu-
dinem, sic erga Deū, Animi abjectionem sive Humilitatē esse præ-
dicabat. Quæ mors optatissima? Pro PATRIA quæ appetitur..

Hæc tibi, mi Frater, contigit: qui licet in tenebris ceci-
 deris; Virtus tamen tua lucem tibi attulit, eos obscuros
 ignobilésque reddens, qui in ignavia, fuga, divitiis vo-
 luptatibusque salutem posuere. Tibi vero nunc hoc sit
 positum.

EPITAPHIVM.

Iudicio Antiquorum Cenforum:

GUILLELMO VERHEIDEN
GRAVIENSI,

ANIMO ET CORPORE,
LITERIS ET ARMIS
INSIGNI:

Qui cū,

Quid esset { **PATRIA**
LIBERTAS } *intellexisset;*
HISPANUS

PRO PATRIA
ANIMOSE PUGNANS
VIXIT.

11A

LIBRARIUM PATRIST. LIBR.
LATIN. STODOL. LECTOREM
JAN. VERHEIDEN.
GUILLELMI VERHEIDEN
BELGÆ
DE
ORTV ET OCCASV
MAXIMORVM IMPERIORVM
ORATIO VENETA.

SALLVST.

Quæ homines Arant, Nauigant,
Ædificant, VIRTUTI om-
nia parent.

AD LITTERARUM ET PATRIÆ LIBER-
TATIS STUDIOSUM LECTOREM
IAC. VERHEIDEN.

ORATIONEM, quam boni nonnulli & fortes Patriæ ci-
ves expetiverunt, hîc tibi, Lector, exhibemus: quæ
non tam eruditionis & ingenii, quàm magni ipsius animi
est index. constituerat enim in Itinere Omnia promptè ex
se petere, & quasi ex tempore, ut ita dicam, agere. Ex tem-
pore & citra laborem hæc composita Oratio est; sed
non sine labore & periculo, ut observavimus, habita. In
Peregrinatione honesto exercitii genere se non solum re-
creare, sed etiam Animi sui magnitudinem alere, pectus
firmare, ex obliquo Hispanum petere, videri ab aliis ma-
gis quàm videre alios voluit. Argumentum Orationis no-
bilissimum; urbis nobilitati & Imperio respondens. In aliis,
quibusdam, quæ penes me sunt, orationibus doctrina ma-
ior & ingenium: in hac verò Animus & Virtus. Paucis; ab
eo profecta Oratio est, qui omnem Virtutis laudem in
Actione consistere est arbitratus: Tum illam mortem feli-
cissimam, quæ pro Patria oppetitur. Rationem cognomi-
nis Campani suprà reddidimus. Disputatio verò ipsius de
SICILIA sive de CVPIDITATE DOMINANDI, de qua suprà
paucis diximus, & quæ duobus comprehensa libris fuisset,
ipso jam mortuo, etiam intermortua & quasi extincta
habetur. Hominis itaque Patriæ amantis & litterati, ut su-
perior placuit, sic nec hæc tibi, docte patriæque amans
Lector, displicebit Oratio.

ORTV ET OCCASV
MAXIMORVM IMPERIORVM

ORATIO.

PRÆCLAROS & egregios animorum motus non sine manifesta vi numinis diuini in mentibus hominum excitari, cum alias semper existinaui, tum etiam, hac tempestate, ipse sum expertus. quippe mihi, homini sanè peradolescenti, posteaquam, non dico pulcherrimam civitatis amplissimæ formam ex ornatissimis gravissimorum hominum scriptis, animo comprehendissem, sed opinionem modo virtutis, dignitatem imperii, magnificentiam urbis prædicari audivissem; nihil potius fuit, quàm ut eam rempublicam, qua de, absens, præclara multa intellexissem, coram, ipse præsens, oculis usurparem. Quo circa cum per varios casus, per plurimas itinerum aliarumque rerum difficultates, eò tandem aliquando, quo statim ab ineunte adolescentia animus cogitabat, Deo adiuvante, perveni: non potui profecto præterire, quin aliquo, fortasse non prorsus indigno florentissimæ rei publicæ gravitate argumento, iudicium animi mei erga magnanimos præstantesque viros, pro virili mea, declararem. Quam ad rem agredi, credite mihi, nunquam ausus fuisset, cum vel nomen ipsum VENETIARVM, id est, theatri orbis terrarum, vel amplissimorum virorum prudentiam, vel etiam doctissimorum hominum eruditionem atque sapientiam mecum ipse considerassem, nisi hæc una me, quæ sola potest, sustentaret consolatio. Nam mihi quidem ita persuasum est, Plerosque omnes eminenti fortunâ viros quanto ad altiorē dignitatis

nitatis gradum virtute suâ perueniunt, tantò faciliores esse & moderatiores solere: & excellenti doctrinâ expolitos quantum humanitati litterarum opera laborisque dederunt, tantum reliquis præstare omnibus & audiendû & judicandi æquitate. Iam verò dicere de Ortû & Occasû maximorum Imperiorum, rem esse dignam auribus optimorum confiterer, siquidem eum esse me sentirem, qui rem tantam pro magnitudine suâ (tametsi quis id sperare ausit?) explicare satis grauiter ornatèquè possem. Veruntamen quid est tandem in ipsa, quæ latissimè patet, rerum humanarum natura, quo de legere, audire, loqui debemus libentiùs, quàm id quod & humanorum operum multò maximorum putatur, & quàm proximè naturam attingit diuinam, de **MODO IMPERANDI**? Qua de re, cum quanta maxima possum breuitate, dicere decrevi; memor temporis, memor personarum. vos N. N. etiam atque etiam vehementer orarem, uti me benignè & attentè audiretis, nisi animos vestros sua sponte erectos viderem. Non me fuit fuisse nonnullos qui causas Imperiorum constituendorum explicare conati, nescio quas nobis artes inusitatas, novas, inauditas, & non modò à pietate, regulâ cogitationum omnium & actionum nostrarum, verum etiâ ab omni iustitia atque honestate abhorrentes, attulerunt: quare & existimationi suæ vehementer obsuiffe, neque honestè consuluisse utilitati generis humani videntur, dum ingenii subtilitate præfidentes, nova & abstrusa investigare, quàm iudicii gravitate vetera & usitata ponderare maluerunt. Quis enim tam nihil intelligens, tam alienus ab omni cognitione causarum, qui illud ignoret, esse duas omnino res, quibus vel unis omnes Imperiorum omnium & ortus & processus jure referamus acceptos? unam, Dei immortalis hanc machinam rerum vniuersam, arbitratu suo moderantis Voluntatem: alteram, præstantissimorum Heroiùm singularem quandam & excellentem Virtutem, quarum alteram licet ab altera nullo pacto separes, aliqua tamen ratione rectè distinguas. Atque hæc sunt illa principia,

hæc fundamenta, hæ quasi geminæ columnæ quibus nixa semper est omnis Imperiorum magnitudo. itaque, vide mihi, non modo hos, qui præcepta pietatis pernoverunt rerum scriptores, verum etiam illos, quos ab omni fide fuisse alienos, nemo quisquam ignorat: quid volunt? quo te vocant? cui principia maximorum & eventus Imperiorum adscribunt; nisi Fávori diuino? nisi præstantium virorum Virtuti? Quid illi Græcorum longè principes Herodotus atque Thucydides? quorum alter antiquitate venerabilis, alter prudentiâ singularis. quid illi, quasi antesignani Latinorum, disertissimus rerum explicator T. Liuius, severus C. Sallustius, prudens & attentus scriptor Cor. Tacitus? quid alii innumeraabiles? nomie ad unum omnes incrementa Imperiorum ad DEVM optimum Max. autorem? ad egregios suæ ciuitatis viros retulerunt? Nam quæ res á non-nemine nimis frequenter jactari solet; Fortunam esse reginam omnium dominamq. rerum humanarum; fortunã cuncta magis ex libidine sua, quam ex æquo gubernare, fortunã imperia, regna & alia talia, quæ mortales admirari solent, dono dare: certè summæ levitatis est, si dicas, si credas, nequissimæ improbitatis. perinde, quasi non modo dux sapientium Ratio, verum etiam ipse stultorum magister eventus non satis docuisset, Fabrũ esse suæ quemque fortunæ: Fortunam á virtute, non á fortuna pendere virtutem. Quod si cui artes eas, in quibus plurimum inesse adiumenti sentimus ad res magnas benè gerendas, vel cripere vel donare possit, concedã, sanè libens vim illius non planè contemnendam videri: sin minus, quid est tandem, quin fragilem hanc & imbecillam, quam stultè appellant Deam, vanum dumtaxat & inane nomen, vel ab infidelitate impiorum, vel ab stultorum imprudentia profectum, arbitremur? Num igitur cui fortuna bonam mentem, æquitatem, animum excelsum & invictum, temperantiam ceterasque virtutes aut umquam donavit? aut donatas ademit? aut restituit ademptas? profecto nulli. Est est igitur divina & sempiterna Mens, cui sol ille quem videmus,

siderum cursus celorumque motus, & rerum vicissitudines parent: ea res omneis nutu suo gubernat; ea & stabilire imperia & commovere solet. Etenim si divina vis atque Potestas nusquam praeclarius elucet, quam ibi, ubi nihil potest humano consilio administrari; repete mecum animo Initia & Exitus amplissimorum Imperiorum: tum denique intelliges, Potentissima Imperia, nisi divini numinis voluntate, neque constitui, neque everti ullo modo posse. Quis Assyrijs eam mentem iniecit, ut imperium totius fere Asiae affeclarent? divina Voluntas: quis gentem Persarum incultam, ad tantum imperii fastigium evehit? divina voluntas: quis ignobiles, & in extremis Graeciae angulis latentes Macedonas adversus Asiam concitavit? diuina Voluntas. quis denique populo Romano universi terrarum orbis imperium assignavit? nonne eadem illa divina Voluntas? Ita profecto. nam Deus immortalis, quo iustitiam ejus agnoscant probi, potentiam improbi perhorrescant, excitat iacentes, erigit afflictos; affligit superbos, ambitiosos & avaros imperantes, de dignitate omni deturbat. Quid enim putas esse causam, cur arbores maxime proceras? cur montes turreaque editissimas fulminum iactu ventorumque violentia prosterant? humilia vero atque depressa, tuta permanere sentiamus? an quod summus ille celorum terrarumque Imperator diligere modestos, odisse superbos, potentes attenuare, infirmos adjuvare consuevit? Quid ergo? inquis, Anne & eos, qui ambitione & avaritia, pessimis consultoribus, incitati, per fas atque nefas dominatum obtinuerunt, saepe maximo videmus imperio floruisse? nemo negat. verum istius rei haec causa est: solet enim Deus, quo gravius homines ex commutatione rerum doleant, quos pro scelere eorum ulcisci velit, his secundiores interdum res & diuturniorem impunitatem concedere. ut enim turpioris criminis reos, quo vehementius ad terram adfligantur, altius minister rerum capitalium attollit: ita Deus immortalis differt aliquando vindictam, non culpam malefici condonat, ut improbos non à supplicio servare, sed ad graviores casum res

serva-

servare velle videatur. O vanas imperii proferendi cogitationes! infelicem & calamitosam ambitionem! O miseram sed justam maximo-
rum sapè regum fortunam! qui, priusquam labi se sentirent, summo
rege DEO sic volente, de regno toto deciderunt. Quamobrem, sit hoc
positum imprimis, quod & boni contententur omnes, nec improbi si
velint, reclamante animi conscientia, inficiari audent; nempe, Princi-
pem Imperiorum causam consistere in viuius, qui res omnes ex nihilo
condidit, conditas moderatur Omnipotentis Dei Voluntate. Iam vero
dubitare quis potest, quin proximè secundum divini numinis volun-
tatem, Imperia vel excellentium virorum Virtute firmentur, vel ever-
tantur vitio perditorum. Adfer enim quas velis causas, inquire om-
nia: occultissima quæque perscrutare: nunquam, siquidem integrum
de rebus iudicium ferre velis, aliter reperies, nisi fortunam Imperii
respondisse Moderatorum Virtuti: Semper & Regnum à minus ido-
neo ad optimum quemque translatum, & felicitatem Imperii una
cum moribus immutatam fuisse. Quid enim si mundus ille ab ipso
Deo admirabili ordine, summa curâ, singulari providentiâ guberna-
tur, an tu Imperium conservari ab homine posse sine summa virtute
putas? nam si arbitraris nova quædam artificia, insidiosa consilia ad
principatum obtinendum, vim quamdam incredibilem possidere, ve-
bementer erras. OMNES alienos à Virtute conatus, si rectè ratioci-
nari velis, videbis vel ad exitum non pervenisse, vel auctori suo cla-
dem attulisse insignem. QUEM enim ad modum telas aranearum mu-
scam irretire, ab hirundine rumpi cernis: Ita CALLIDAS IMPRO-
BORVM ARTES pauci imbelles & incauti timent; prudentes &
magnanimi sanè facile conterunt atque contemniunt. Quid multa? &
Mare quod navigamus, & Terra quam excolimus, & ea quæ Edi-
ficamus omnia, uni serviunt & parent Virtuti. Veniant tibi in men-
tem Assyrii atque Persæ; memineris Macedonum, recordare Roma-
norum: necqua tandem re nisi Virorum excellentiū Virtute vicerunt? Si
quidem Ninum illum Assyriorum Regem (tamet si hoc vno vehemen-

ter sit accusandus, Quod primus omnium bella ex bellis serere, Libidinem regnandi bellandi causam habere, In maximo imperio maximam putare gloriam, consuevit, nonne cum prudentia tum etiam fortitudine praestitisse antiquissimorum pariter atque sapientissimorum monumenta memoria prodiderunt? At Semiramidem quanto ingenio, quanta virtute praeditam fuisse existimandum est? cui cum robur corporis natura negavisset, quantum animo virili mulier effecit! qua fuit usa solertia! quantos pertulit labores! quot victoris atque triumphis Imperium honestavit! auxit! illustravit! Sed reliquos deinceps consecutos reges summam diligentiam imperium retinuisse, quid magis declarat quam calamitosus ille nequissimi inter mulierculas exitus Sardanapali? qui simul atque animam oneri, corpus voluptati haberet, malletque foedissimis voluptatibus turpiter servire quam opulentissimis populis gloriose imperare; & se, & Imperium precipitavit. Ita res Assyriorum, parta plurimorum virtute, unius scelerati hominis secordia est miserrime dilapsa. An vero Cyrum Persarum regem eum, qui primus Orientis subacti dominatum posteris reliquit, ullius ferè virtutis expertem fuisse credimus? certe huic ego, si mei arbitrii res esset, praterquam virtutibus imperatoris, etiam omni propemodum boni viri laude cumulatam dicere auderem. Et vero an ille rudes etiam tunc & feros quodammodo Persas disciplinam militari erudire? an exercitum diversissimarum & vivendi & loquendi modo nationum gubernare? an ille tot, tantos, tam opulentos Orientis populos devincere? an in officio continere sine maxima virtute potuisset? nullo modo. cum enim ad unum homines naturam libertati student, tum vero potissimum illi qui diutissime liberi vixerunt. sed erat in illo mansuetudo, liberalitas, clementia tanta, uti non modo multitudo, plerumque ad serviendum parata, verum etiam ipsi ad imperandum nati reges non minus ejus humanitatem victi diligerent, quam armati vim virtutemque timuissent. En tibi Persarum imperator, en tibi princeps Imperii Cyrus: cuius in Regno stabiliendo virtutem si posteris

si posteri in retinendo inhiatari voluissent; staret etiamnum res Persarum: sed quorum majores non labor, non egestas, non periculum, non locus ullus asper, non armatus hostis à præclarè factis deterrebat; eos desidia, abundantia opum, & teterissima ingeniorum suuiler atque corporum pestis subegit, enervauit, fregit voluptas. hinc illæ lacrimæ: hinc ille miserrimus amplissimi quondam & florentissimi Imperii occasus. Quid ego, ego jam de Macædonibus dicam? qui licet maximum imperatorem Alexandrum habuerint, tamen admirabilem etiam in ipso virtutem fuisse quis non videt? appelletur sanè cognomento magnus Alexander: habeatur pro exemplo magnanimitatis: sit omni bellicâ laude illustris; tamen, meâ sententiâ, facilius sine Alexandro miles, quàm sine tali milite Alexander vicisset. Quod enim officium militare enumeres, quo non illi omnes optime fuerint imbuti? Scientiam rei militaris? at erant veterani; & quidem illi, qui non modo singuli pugnando fortis militis, verùm etiam benè consulendo boni imperatoris officia præstarent. Virtutem? at hostem ferire, præsidia agitare, hiemem & æstatem æquè pati, laborem eodè tempore & inediâ tolerare, mortem non metuere, optare modò victoriâ; deniq. pericula, difficultates, & ea quæ molles & effeminati morte penitus oderunt, epulis iucundiora habere docuerat consuetudo. Et miramur etiâ nunc, cur hinc tali militi tot tantæq. regiones, maria, montes, cur asperissima quæque, & immensa Asia, paruerit? Verum ut intelligas cùm ipsâ naturâ, tū etiâ culpâ mortalium, nihil in rebus humanis certū ac diuturnū esse; ecce tibi erecti illi aduersus omnes belli terrores animi, parto Imperio, Dario devicto, Imperatore è vivis sublato, colere in pace concordiam non potuerunt: quo ad Imperio fedissimè dilacerato, dum singuli regnare contenderent, tandem aliquando universi seruirent. Reliquum est imperium Romanorum: de quo quàm potero brevissimè dicam in hoc tempore. nam pro magnitudine & gloriâ, tantum abest uti quisquam præclare dicat, nemo unus eorum, qui nihil aliud in vita egerunt, satis graviter se pro dignitate rei nū scripsisse iudicatur.

tratur. Et certe sic intelligo, sic iudico, Nullam omnino rempublicam, si omnes in unum in locum conferantur, tam Romana, sive prudentie, sive iustitie, sive fortitudinis, sive temperantie exemplis esse ullo modo comparandum. Quid enim tu de septem Regibus Imperii conditoribus, qui infantem quasi populum Romanum nutrierunt, existimas? Ego vero hic perspicio, Eos omnes, non modo nascenti Imperio peropportunos, verum etiam divino quodam munere donatos fuisse. Quis acrior? quis in armis exercitior? quis vigilantior Romano? attamen talem esse oportebat. quo enim modo novum condere Imperium potuisset (nam ita evenire solet ut crescentem opulentiam ferè sequatur invidia) cum finitimos infestos haberet nisi se suosque egregia armorum disciplinā imbuisset? Quis contra pacatior? quis mitior Numā Pompilio? Hic tamē, meo iudicio, multū, atque haud scio, an plus virus quam ceteri omnes reipublice profecit. Ille primus salutaribus urbē legibus fundavit, ille violentiā armorum humaniore disciplina mollivit, ille Martios animos religione & cultu deorum temperavit. Sed quemadmodum populus Romanus iam paci & tranquillitati erat assuetus, sic ad subeundas belli tempestates imparatus fuisset, nisi studiosus bellandi Hostilius residues iam cives, & quasi triumphare desuetos ad arma revocasset, iam vero Ancus Martius omnibus & belli & pacis artibus insignis, nōmie perinde quasi fuerant populi Romani maiestatem & imminuentem Superbi Tyrannidem previndisset, & urbem auxit & validissime communiavit? Quid Tarquinius Priscus? quamvis origine homo Græcus, tamen ob virtutem Imperio Romano dignus, quam & ipse ater in ferro fuit, & quam accurato confusam antē multitudinem ordine distinxit? Et quidem Servium Tullum quantum profuisse arbitraris, cum censu diligentissime factō, primus exploraret, quantum armis virisque, quantum opibus, quantum aerario Respublica valeret? Nunc vero regnante Superbo, illud tamen boni populus consecutus est, Quod intellexit aliquando nihil dulcius, nihil optandū & vindicandū magis, nihil viro dignius.

esse honestâ Libertate. ut omittâ libera jam civitate de pulcherrima forma Reipublicæ; de Magistratibus; de Legibus loqui; Senatus ille qualis, quantusque fuit! quam dignitatem præ se, quantam animi magnitudinem ferebat! ut non sine causa Pyrrhi legatus, Maximorum se Regum confessum, non Senatorum conventum vidisse responderet: nec id mirum. diligebant illi publicam magnificentiam, Parsimoniam privatam. erat apud eos honor non luxuria, sed continentie; non pecunie, sed paupertati. non enim divitiis cum opulentis, ambitione cum potentibus, seditione cum factiosis; sed cum magnanimis virtute, cum prudentibus consilio, cum honestis pudore, cum modestis æquitate certabant. æquitas apud eos naturâ plus quàm lege valebat. nihil gratiæ aut odio, nihil iræ aut misericordiæ dabant: præmia virtuti, improbitati supplicia constituta erant. Militia autem honestatis, continentie, fortitudinis, probitatis erat magistra. Non luxum conviviæ, non varietatem voluptatum; sed arma, equos; vexilla hostibus erepta querebant. hanc propriè laudem Romanorum, hanc summam esse nobilitatem putabant. Observabant disciplinam militiæ: magis imperatoris nutum quam armati hostis faciem timebant: mori in victoria, non in armis capi; victi alacrius cum victore certamen instaurare; victores benevolentia victos non metu in officio continere solebant. & ut uno verbo dicam quod res est, fortia & agere & pati Romanum erat. Quid ego iam Brutos, Cincinnatos, Camillos? quid Torquatos, Decios, Regulos, Corvinos commemorem? quid referam Fabios, Marcellos, Scipiones, Metellos, Catones, quid alios innumerales, quorum hodierno die virtutes cum admiratione audimus; nonne horum virtute Romani primum universam Italiam devicerunt? deinde Carthaginem exciderunt? Numantiam; Corinthum everterunt? potentissimos reges, bellicosissimas Africam, Asiam, Europam, universam intra Oceanum terram in ditionem Imperii sui redegerunt? nec enim ingenio Etruscos, multitudine Hispanos, Græcos eruditione, Pænos calliditate, robore Gallos, opulenta

tia Asianos, sed omnes UNA VIRTUTE superarunt. Dixi de Ortu imperii Romani: dicere de Occasu, nisi ex illis, quae supra commemoravi, aperta res esset. Sic enim habet, atque hoc tibi persuade: Hoc Imperium tantâ virtute tot praestantium virorum stabilitum, everti nullo modo potuisse, nisi omnes nationes convenissent: nisi rationem, amentiam, firmitatem inconstantia, cupiditatem, verba laudis, mali ambitio, intemperantia, continentiam, superbia, clementiam, insolentiam, modestiam, vitia omnia virtutes omnes superassent. Quamobrem, ut eo redeat, inde profecta est oratio, sic habete, atque hoc fixum esse immotumque existimate. Nihil pertinere magis ad Imperii diuturnitatem, quam si principia Deo tribuentes, reliqua defendi virtute sola putemus. Etenim si hunc mundum univsum, si celorum orbem, si maria ac terras, si omnem rerum naturam, si hiemis, aestatis, pluviae, siccitatis, omniumque temporum vicissitudines eius unius arbitrio parere sentimus, quid est, quid est tandem quin omnes Imperiorum mutationes, Ortus et Occasus, divinae Potentiae obtemperare credamus? An gubernatores civitatum, a provinciarum praefectis, praefectos a Regni moderatores constituit, fatemur? Reges ipsos ab summo Imperatore Deo designari non fatemur? quid autem aliud esse Reges existimas, nisi quosdam Dei administratos? quid agere, nisi partem divini muneris sustinere? qua de causa constitutos, nisi quemadmodum ille rerum universitatem, sic isti suam, quisque partem curarent? parcerent subiectis? malos punirent? superbios debellarent? Quid? quod nulla gens tam fera fuit unquam, tam barbara, quae licet ignara qualis esset, tamen non aliquem sibi Deum fingeret, quem adoraret? cui principium Imperium acceptum referret? Omitto Assyrios, Persas, praeterea Aegyptios, Graecos: non commemoro Romanos, quos omnes auctores Imperii Deos credidisse constat. Quid ferocius homines Partibus? quid ingratius et Barbari Scythae? nunciatum senserunt? Quam ergo quod Religio, pios, Ritus, doctos, Experientia, omnes adlocuit, illud verissimum esse arbitramur, FUNDARI IMPERIA DIVINO FAVORE, ET HOMINUM VIRTUTE DEFENDI. cave enim

has res, quæ arctissimo inter se vinculo colligatæ sunt, ullo modo se-
jungas. nam fieri non potest, ut aut ea civitas, quam Deus imperio
destinavit nō habeat viros præstantes: aut, quæ cives præclaros habet,
non secundâ utatur Dei Voluntate. quid ita? quia Deus Opt. Max.
ciui vel pro benignitate suâ Rempubicâ insigni beneficio perornare,
vel eandem pro scelere eius pœna adficere velit, tum vel egregios civi-
tati Viros donare, vel eripere consuevit. Nolite jam expectare dum
eos quos modò commemoravi recenseam: quorum Imperia non nisi ad-
mirabili præstantissimorum Virorum virtute firmata fuerunt. nōne
Carthaginienses, Lacedæmonii, Athenienses, denique omnes, prius-
quam ad potentiâ paullo maiorem adspirarent, eos civitatis principes
habuerunt, quos non eorum Republicâ ortos, sed de cælo demissos pu-
tares? Anne Legumlatores illi, ne quosdam innumerabiles appellem,
Solon Athenas, Carthaginem Charondas, Locros Zaleucus, Cretam
Minos, Lacedæmonem Lycurgus, omnes legibus sapientissimè feren-
dis civitates tandiū suas conservarunt: quo ad cives eorum legibus
obedire voluerunt? Et hic mihi quisquam cæcā, fragilem, imbecillā,
(imbecillam autem? imò verò, quæ nec est, nec ullā esse potest) Fortu-
nam, aliāque præter unam Virtutem artes nominabit? Sed quid hæc
ego? profecto (si qua res umquam) Hoc illustriissimū amplissimū-
que VENETORVM IMPERIVM divino consilio fundatum,
per tot jam secula admirabili prudentiâ, æquitate, concordia, vigilan-
tia conservatum, universo terrarum Orbi patefecit; IMPERIA nul-
lā re aliā nisi Aeterni & Omnipotentis Dei VOLVNTATE &
heroicā præcellentium in Republica Virorum VIRTUTE, soller-
tiâ, fortitudine, constantiâ aut constitui, aut gubernari posse.

Habita VENETIIS, in publico
SAN-MARCI Auditorio,
Anno M.D.XC.IX. Sept.

Ætat. XXXI.



